

京兆歸氏世譜

祠祀載

義莊志

祠祀載



Faint, illegible text visible through the paper, likely bleed-through from the reverse side of the page.

祠祀載原目第七

京兆歸氏世譜

目錄

祠宇

凡六

坊座

凡六

匾額

凡九

敕賜歸宣公祠圖

宣公

移奉宣公祠圖說

蘇 銜

宣公專祠春秋官祭祝文

命 聖

歸氏宗祠圖

東 聖

常熟歸氏宗祠碑記

姚 鼐



宗祠碑陰

寅亮

重修宗祠碑記

康磨

重修宗祠碑記

令望

歸氏宗祠別室碑

蕭掄

別室碑陰

寅亮

宗祠規條

凡二十五則

宗祠春秋兩祭祝文

春秋祭田考

崇祀鄉賢錄

歸氏四世鄉賢錄序

洪亮吉

歸氏三世鄉賢專祠記

錢大昕

鄉賢專祠春秋官祭祝文

旌表孝子錄

歸孝子祠記

姚鼐

孝子專祠春秋官祭祝文

歸氏新建鄉賢祠重修孝子祠碑記

蕭抡

鄉賢孝子祠葫蘆井祖墓祭田考

祠墓議單

凡十一則

歸昭簡專祠圖

歸孝義專祠圖

孝義專祠春秋官祭祝文

義莊後寢春秋兩祭祝文

重建宣公祠啟

聖脈

答松陵履成族兄建宗祠書

允肅

址里 凡八附

直隸蘇州府常熟縣給帖 附

歸氏新橋記 附

謨

祠祀載原目第七

京兆歸氏世譜三

祠字

歸宣公祠

在蘇州葑門仁三畝給諫坊祀唐兵部尚書歸崇敬子工部
尚書憲公登祔又公裔孫文達妻旌表節婦陳氏亦祔祀焉
清康熙中巡撫都御史韓世琦修府志入壇廟今移建蘇州元
和縣仁三畝盧師橋左祀唐宣公後寢祀唐贈秘書監奧公
贈房州刺史樂公贈秘書監待聘公工部尚書憲公左僕射
章之公觀察使仁澤公以下凡百餘人配氏俱祔

歸氏家祠

舊在歸家堡歸家墅今移建城北三元堂左祀唐宣公歸崇
敬裔孫榮四及後顯達有功德宗族者

邑志入
祠宇

歸鄉賢祠

在三元堂左祀刑部主事易民公詹事府少詹事惺崖公贈
工部尚書監茲公三世後又增祀工部尚書岷懷公爲四世

鄉賢祠

歸孝子祠

在三元堂左祀候選知縣歸復佺

邑志入
祠宇

歸昭簡祠

在方塔浜祀工部尚書歸宣光旁祀宣光子兵備朝煦浙藩

景照之生母凌太夫人

邑志入祠字

歸義莊祠

在城東南二畝文昌巷祀旌表孝義耕書公配席太宜人副室陳太宜人旁祀佐理義莊涇涇縣訓導訥甫公配邵孺人呂孺人常庠生訪齋公配邵宜人國學生淵若公配嚴宜人蔣宜人後寢祀孝義公之高曾祖父母四世

龐鴻文常昭合志入善舉志

坊座

圖傳九老榮冠兩朝坊爲尙書歸宣光建在城東方塔浜祠旁

乾隆五十六年七月子景照立

邑志

孝子坊爲廩貢生歸復佺建在城北三元堂左宣憲世澤祠內

乾隆三年江蘇巡撫楊

永斌

題旌嘉慶二年九月曾孫寅亮

拱銜等立

烈婦坊爲生員歸維禧妻孫氏建在東鄉北巖洞涇墓前

嘉慶五年江蘇巡撫岳

起題旌

節孝坊爲儒士歸壯行妻李氏建在北門外興福山門墓前

嘉慶十四年江蘇巡撫汪

日章題旌

樂善好施坊爲監生歸景沂建在城東文昌巷義莊內

嘉慶十五年江蘇巡撫章

煦

題旌二十二年八月子銜衡立

節烈坊爲儒士歸兆棠妻趙氏建在西門外程家橋一都一畝

吾谷濟同治五年江蘇布政司使護理巡撫郭

柏蔭

題旌

宣統三年四月曾孫廷軫鴻立

匾額

望隆山斗額

江南布政使司參議石在閭為原任刑部主事歸起先立

在

鄉賢專祠

大魁天下額

江蘇江寧布政使司丁思孔為康熙己未科第一甲一名進

士歸允肅立

在傳清堂

堂額係果親王書

龍峯最上額

江蘇巡撫金

為左春坊左中允歸允肅立

麗天奎壁額

江蘇巡撫余國柱爲左春坊左中允兼翰林院侍讀學士歸

允肅立 在鄉賢專祠

功高啟沃額

江蘇巡撫湯斌爲詹事府少詹事兼翰林院侍讀學士歸允

肅立 在宣憲宗祠

楓宸簡注額

兩江總督王新命爲詹事府少詹事歸允肅立

經明行修額

內閣大學士史貽直爲旌表孝子廩貢生歸復佺立 在孝子

專祠

清時碩望額

左都御史竇光鼐爲工部尙書賜謚昭簡歸宣光立

在昭簡

專祠

樹德務滋額

兩江總督松筠爲旌表孝義監生歸景伊立

在孝義專祠

敕賜歸宣公祠圖 坐落義和縣衙內仁三層給諫坊

北

徐姓
內屋

署內



牆

牆

吳屋

徐敦若屋

吳

官

街

街

鄰

鄰

坊子孝

坊諫給


餘地

餘地

南

清天士普寫三祠祀載

移奉宣公祠圖



坐落元和縣葑門內仁三高盧師橋



盧師橋

祠祀載

移奉宣公祠說

始祖唐宣公專祠坐落蘇州元和縣葑門內仁三畝給諫坊載在祀典並府志祠基東有公裔孫文達妻陳氏節孝坊祠亦附祀焉乾隆三十年十一月元和縣周奉蘇州府孔札查歸公祠冊開坐落盧師橋因何與志互異隨據地保徐介福稟稱專祠已改民房爲徐敦若所居住祠內木主移供在盧師橋之祠裔家等語三十一年四月署縣田登次催令繪具舊祠屋址確圖并令祠裔歸繼先等將確情呈覆又據地保倩同畫工查視祠形繪圖貼說呈覆並據後裔本倫等稟稱康熙年間有織造部堂李因衙署狹隘借祠開通占用迨李憲緣事抄沒入都將署

封鎖從此變爲公所莫敢爭衡遂奉始祖木主暫移孔副使巷族兄武舉人天錦家後天錦因貧棄屋故叔州同知允功復移奉盧師橋宅內歷奉春秋致祭今徐介福悞將天錦祖母陳氏之節孝坊稟爲宣公祠屋不思給諫坊現爲織造府筆帖衙署沿街墻內牌坊石柱尙存鑿鑿可勘况柱下尙有餘地可建一宇爲亟繪圖呈電等語奉批舊有主祠未免私廢復請詳建旣稱尙有餘地應卽會議辦理另稟其後事不果行迨嘉慶十四年四月旬直支十六世孫國光等立有公同塌置祖祠議墨云盧師橋貽穀堂老宅西首有堂兄廷光住屋五間其妻陳氏貧寡無依出售此屋因公議奏資捐置改建祠堂族衆公同經管

隨時修理不得私行占居等語道光八年八月十七世孫于仁等又立公舉族弟樑守祊墨議每屆春秋祭期亦樑所承辦癸卯閏七月虞山東分支裔孫衡挈子令璣赴郡展謁公祠祠在盧師橋之東堍其西有盧師廟祠屋凡三厦第一厦牆門一楹與東首馬姓公同出入門首橫匾隸書唐先賢歸忠宣公專祠第二厦饗堂一楹內供宣公神位第三厦後寢三楹正楹設木主一大座自唐贈秘書監奧公以下凡百餘位配氏並附於中另有歸鑽妻蘇氏清欽旌節孝匾乾隆四十四年江蘇巡撫楊魁題左首兩楹爲別姓之孀婦居住右首屋則已售與他姓矣後訪查角直支系得晤住居祠旁之十七世孫楨云舊祠向在

葑門之磚橋吳衙場俗稱歸家牌樓頭自織造府占去及移建
盧師橋緣由俱有文案及議墨可據隨於是歲之八月抄錄一
通寄至虞山爰摹繪兩處祠圖并摘敘其顛末如此

宣公專祠春秋官祭祝文

維大清同治 年歲次

二月

朔越祭日丁

主祭官蘇


州府知府


謹以牲帛禮儀致祭於先賢歸宣公之神曰惟

公學海淵沈才峯聳秀博通墳典不愧明經洞悉禮儀能排異說斥奢示儉深宮肯首倡言卻魄無私薄海爭傳清德允合楷模於百世用光俎豆於千秋酒旣盈樽 公其歆格尙饗

場

後





常熟歸氏宗祠碑記

借抱軒文集

桐城姚鼐 姬傳

吳中歸氏皆出於唐翰林學士兵部尙書餘姚郡公之後明太僕丞震川先生作歸氏世譜論之詳矣常熟之族震川所云在常熟者居白茆是也始自吳遷白茆者曰榮四公榮四七世孫曰椿震川所爲作歸府君墓誌銘者是也其子有雷霆電三人電遷於吳雷別居歸家堡霆仍居白茆所居各建祖祠焉而堡中之祠多藏石刻遺象後其子孫均遷常熟城內而兩處祠皆圯壤乃更建祠城北爲堂三間中祀宣公旁祀始遷祖榮四公以下凡三十五人時在康熙年間其後又於堂後爲樓凡堡中所藏石刻遺象皆遷藏於是迄嘉慶二年歸君寅亮拱搢銜等

以堂久黯敝加丹雘而新之又於堂前增建門廡凡八間而祠之規制乃益嚴以靖常熟歸氏自明中葉至國朝二百年中以名德尤稱鄉賢者曰刑部主政齋興公少詹惺崖公贈工部尙書監茲公又有孝子松期公孝子故於宗祠堂側有專祠今漸圯乃於其地重建之其二鄉賢則買地各建專祠於宗祠之後逾年工悉竣乃至江寧請記於余余謂歸氏在明著稱以崑山今世則以常熟至大司空昭簡公以才德勃興列位正卿真古公侯族矣今歸君爲大司空從孫繼承前德而尤盡心於宗祠其道不已善乎且崇先者一家私情也尙賢者天下公誼也茲之立制蓋兼盡之昔震川每惜古人宗法之壞而不可復而立

宗祠者收宗復古之先務吾聞震川後嗣式微其墓在玉峯常熟宗人爲修祭焉夫常熟之宗能厚於其別宗者猶如此而况於其本宗哉由是推之其將無復憾於宗法之敝也歟是足記也嘉慶三年十月記

曾祁案惜抱先生集嘉慶辛酉鐫本大司空下公字上空二字同治丙寅合肥李氏校刊本作大司空監茲公又今歸君爲大司空之孫又吾聞震川無後嗣其墓在常熟宗人爲修祭焉以上皆有誤刊入譜中時先曾大父學博公爲之更正故與原文有異也

宗祠碑陰

寅亮 寶開

吾宗自唐宣公以來爲吳中著姓逮榮四公始居常熟之白茆
數傳至味蘭公有三子長素琴公爲西支南莊公爲東支南川
公別居蘇州明嘉靖中素琴公奉敕築堡於九泖塘號歸家堡
南莊公仍居白茆俗號歸家墅先世多葬於此市有真武廟周
神廟南莊公孫冕廉公建真武廟旁有屋數楹爲家祠遺蹟至
今存焉後升之公遷居城東門子比部公以先世墓祠舊有祭
田數頃時爲族中貧者鬻去謀盡復之而力不贍惟贖墓旁田
二十餘畝每歲輸國課外供春掃秋祭費而祠之春祀尙未及
焉命以子孫之有科名者掌之故自惺崖公大魁天下掌此田

數十年及于磐公成進士將議代而昭簡公適舉於鄉後未君公又登鄉薦遂相繼掌耆數世迨未君公暨長子寅谷俱歿家孫覲揚掌之自癸卯以迄丁巳凡十餘年近以病不勝事族議將此田暫令其叔岳封管理積年租稅所贏僅錢五十餘緡並交收貯焉比部公祭田外又有嵇字號田四畝東西兩支捐金所買也所入無多不足以供春祀乾隆五十年間寄閒公耕書公迺捐田十四畝以爲之倡若滄叔茂承叔肇昌叔岳封弟又各捐田數畝其田係亮所掌復以贏餘買田數十餘畝其數詳見別石當升之公之遷城東也宗祠仍在白茆子姓與祭者少蔗園公懼先祀之廢也嘗以語松期公監茲公當移建城中以

妥先靈松期公累試不遇力不能成先志復以是命徹巖公兄弟等乃於康熙六十年偕令樹公宣緒公諸兄弟以數百金買屋三楹於北山之麓葺爲宗祠每月朔望及歲時享祀必率子姓躬詣拜謁祠之由鄉而城始於此顧祠地狹隘一堂兩廡外幾無餘室宮聲公穎君公遜修公章仲公等復捐貲得數百金成一後樓時乾隆甲戌年也樓下有碑刻善庵公味蘭公素琴公百泉公四象象各有配舊在歸家堡祠中祠爲西支所建歲久傾圮象無所蔽會有自堡中來言者乃迎置之樓下厥後昭簡公入祠未君公兄弟以惺崖公掌祭田以來建修宗祠未嘗獨任乃特構廳事三楹旋以宦遊未及告竣癸卯歲族共捐金

歲事迨梅坡叔以觀察歸里乃於乙卯歲重加修葺費百數十
金而煥然可觀矣初松期公以孝被旌儆巖公兄弟議將建坊
會有祠鄰以屋三楹屬談鍊師孔賓來求售卽購以建孝子祠
時歲在己未也迨乙酉歲又事重修迄今復三十餘年矣亮等
謀欲更新而念易民公惺崖公監茲公三世崇祀鄉賢尙無專
祠因購胡氏地建祠而孝子坊卽舊址建焉又於宗祠旁建廊
廡及別室凡八前建祠門門之屋凡五廳事則葺而新之費約
二千兩有奇至先世墳墓在本市巖洞涇者十餘年來祭掃漸
廢丁巳秋亮等具酒脯偕諸父昆弟輩往祭則善庵公見廉公
舜叙公墓俱已被土人姚乾一等侵占盜葬及查勘詰責始各

泥首謝罪既又檢閱冢樹枯者數十株命工治爲宗祠什器而
補其缺因念先墓積久廢弛前轍可鑒爰樹界石於各墳四隅
并以聞於郡太守任公請嚴禁侵損太守既殞示飭禁又檄兩
縣尹令各墳丁地保守祠人等到案具結又費百餘金是役也
寅亮捐錢一百十六千文拱摺偕姪慶梓捐錢一千二百七十
文銜偕弟肇行衡捐錢五百千文凡以爲保守祖宗祠墓起見
惟冀後嗣子孫善守勿替用特詳著顛末俾來者有考云

嘉慶二年歲在丁巳嘉平之吉

重修宗祠碑記

康慶

公恒

我歸氏宗祠于康熙六十年自白茆移建城中北山麓構堂三楹後于堂後構樓藏先世石刻遺像又後增建鄉賢孝子專祠及總祠門廡規模始具上距移建時已中更六十七年矣道光辛卯間軒季父司祠事每歲出貲修理甲午後蘿汀從父與季父輪司癸卯後與玉溪從父三人輪司亦如之而未嘗及樓以蘿汀公購樓後隙地一區將改爲以式廓祠宇旋先後病卒不果康慶思公有志未竟而懼先靈之弗妥也謀于諸父昆弟欲更葺之迺釀金若干命工召役易樓爲堂視昔加廣以前堂木主移奉其中易前堂爲聽事子姓歲時修禮助祭餽餘咸于斯

別建室于鄉賢專祠之右以奉碑像其餘侈剝者易之完固者
新之非以崇輪飾奐也上以事祖宗下以聯族姓謹几筵之設
飭登降之儀因陋就簡其曷以稱是不特蘿汀公之所志抑亦
創與修諸先公之志也嗚呼前之人惟拳拳以敬宗收族爲念
故樂爲之不倦而諸父昆弟苟不以前人之心爲心亦何能踴
躍從事于斯乎是爲記咸豐六年歲次丙辰仲夏

十九世孫于恒二十世孫鴻誥合捐錢捌拾千文

十九世孫慶柑二十世孫康麐崧年曾顯崧奎崧祥文彭福
彭仁合捐錢二百千文

十九世孫令璿令璣令望二十世孫兆吉兆豐兆登兆良兆

昌兆簪兆皋兆恩兆金二十一世孫鍾懋合捐錢叁百肆拾柒千文

鄉賢
孝子

祠祭產餘息叁拾肆千文

添造總祠饗堂三楹移置碑室一楹並修理

鄉賢
孝子

祠工料等

項共用錢柒百陸拾肆千叁百貳拾陸文除捐外添用錢叁千叁百貳拾陸文康慶再捐訖

重修宗祠碑記

令望 季文

溯咸豐庚申兩邑遭兵燹後舍宇傾圮其存者十無四五焉如子姓新舊居半皆蕩然無存惟城東莊舍尙不至撓折破缺牌坊碑石亦歷劫不磨此殆先靈所默爲呵護者耶余於是葺而新之設神位修祀事贍族規例悉如舊再將家乘重刊略增一二數載殆獲戴事修理祖塋添植冢樹墓旁祠宇更完葺之同治己巳集各莊後裔會議捐資重建忠義孝悌祠竝議彙捐祭產十畝輪值司祭越一載乃成吾孝子公孝義公亦得享春秋祀典之榮也至城北宗祠正寢三楹幸留其半孝子鄉賢兩祠瓦礫成堆余與公恒姪言之每潸然出涕惟力絀未能

竝舉遂先將正寢修葺以妥 先靈癸酉歲復與綬之姪互商
同建孝子祠奉鄉賢位合祭焉忽忽又十稔矣鄉賢祠及正寢
前故址猶然荆棘叢生不復治之余懷終覺不安因於去冬與
吾房姪輩同議重建經始於孟春落成於仲夏增補完善計費
千緡余毫矣扶杖往還規畫其事竟忘乎精神之勞倦也備述
顛末刊諸石上以慰宗祖式憑下以冀子孫永保云爾光緒九

年七月

歸氏宗祠別室碑

太倉

蕭

掄

樊邨

古禮大夫士有五宗各主所當祭大宗不可絕故族人以支子後大宗小宗則固有絕者矣絕則使誰祭之記曰庶子不祭殤與無後者殤與無後者從祖祔食孔子曰凡殤與無後者祭於宗子之家當室之白尊於東方謂之陽厭此其義何爲哉蓋殤與無後皆天民之可哀矜者使遂斬焉不祀則於其族之人之心必有所不安聖人因其所不安而制使宗子祭之所以安生者且傳不云乎鬼猶求食又曰鬼有所歸乃不爲厲此皆古儒者明於鬼神情狀之言非臆說也是以禮大夫之家祭族厲鄭氏以爲古大夫之無後者蓋雖非我族類猶以同爲大夫故祀

之况其爲同宗之無後者哉祭之又所以安死者然前世有宗法而宗子主其祭後世無宗法而族人又以非其所祭爲疑則無後者將終不祀乎此亦議禮者所當斟酌於古今之間變而通之者也常熟歸氏有宗祠在虞山北麓祠有別室祀族之無後者蓋始於乾隆四十五年嘉慶二年歸子寶間暨從弟仲寬季和受谷重葺宗祠及別室而懼後世之不明此義也乞余爲之記余觀近世士大夫家宗祠祭必上及其祖之有功德與始遷者其制與古大宗之廟略同則歸氏之祭無後者於別室亦猶古祭於宗子之家之意議者或言古禮宗子主無後者之祭今無宗子祭誰爲主是又不然後世雖宗法廢絕而宗祠之祭

亦必推其屬與齒之最尊者一人以爲之主則又與古宗子之制略同可以主祖宗之祭不即可主無後者之祭乎哉蓋聖人之禮無他要以使死者無憾生者獲安而已今歸氏之爲此庶幾能變通以合於禮者乎士大夫家有宗祠者倣而行之其亦可不悖於聖人之訓矣

別室碑陰

寅亮

三元堂側余家祖祠在焉舊有小屋一楹藏無祀者木主春秋
祭祀使耐薦之蓋始自乾隆庚子歲云其中列先曾叔祖仔鉉
公公爲比部公孫松期公端士公弟賜諡昭簡岷懷公之叔也
生于牧公早卒配沈氏孀居四十載無爲後者待旌未遂苦節
以歿木主度余家享祀將絕余母曰是骨月也一本之誼忍令
不血食耶然又不得附祖宗木主旁因登諸宗祠側之隙屋且
合崑山常熟支之無後者悉存之而沈孺人神主亦耐焉親親
之道不隔幽明揆諸君子之通德類情或有當焉今鄉賢祠暨
孝子祠工竣仍舉各木主置別室地雖狹小靈式憑之諒不以

湫隘爲嫌耳蓋吾宗自罕仁公以來子姓繁衍無後者既難保
於前而有後者又安能終必於後惟冀後之人推一本之誼修
其毀壞式廓增美有舉而莫廢則幸甚故額之曰毋忘親

嘉慶二年九月

不特爾斯宗木主次因登前宗師師之淵泉日

以終木主更余宗亭師師餘世曰景骨及此一木之崩感合

主于姓公早卒則武刃爾武四十難無秋與春餘世未幾苦僧

公公爲此將公將外膜公做士公深則鑄剛商師對公之味也

余派對極德之蓋欲自彈劉與于茲云其中極表皆本師師

二天望間余宗師師全孤舊育小屋一跡跡無亦皆木主春味

四室朝劍

寅漢

宗祠規條

一元旦立春冬至節族姓各具香燭謁祠俟各房子姓齊集團揖而退

一每年春秋二祭司祭者先行發簡通知族眾屆期早集過午不候

一祭祠之日子姓與祭者至祠時先於神前四揖祭畢辭神四揖然後飲福不得在祠喧譁

一宗祠正寢三龕致祭用官香三枝半通燭一對凡三副杯箸湯飯及茶按位分設祭品用時果四碟點心二碟熟饌五簋凡三席

一正供桌下排設小長桌五張中用桌圍一箇香案一副官香
三枝全通燭一對奠爵一尊錦果兩盒錦坊一座供花一瓶
九生九熟九點九素送神用大帛二掇銀錠二千

一祭時儀注開列紅單贊禮者高聲朗宣序立就位揖主祭者
跪眾皆跪上香灌酒興揖拜揖拜俯伏讀祝文興
揖初獻爵揖拜揖亞獻爵揖拜揖三獻爵揖拜揖
拜揖滿獻爵揖拜揖拜揖上茶揖禮畢

一祝文用巨紅全柬謹書讀祝者高聲昭告全文另錄

一後樓下安奉先代四世石象春秋一體致祭用香案一副官
香三枝半通燭一對杯箸四副湯飯及茶同高果五品點心

一碟熟饌五簋送神用大帛一掇紙錠一千祭時儀注與正寢同不用祝文

一別室各主亦於春秋一體致祭

一祭時贊禮讀祝上香灌酒於與祭子姓內各司其事

一祭時尊卑長幼依次排班不得攙越

一祭後飲福每席熟饌五簋點心二碟果品四碟酒二壺爲度毋得留連縱飲戲謔號呶以昭敬慎

一祭後給守祠者錢封七十文

一守祠者必擇誠實勤謹之人以司啟閉灑掃如無大過不得率行斥逐

一祠內屋宇除子姓讀書會文外不准借用若族衆無屋居住亦不得借看管名色希圖棲止

一祠內空屋不許外人借寓及寄頓物件祠內家伙什物亦不得擅行借出

一子孫品行入於下流及曾犯忤逆者不許至祠與祭

一忠臣孝子例應入祠祔祀

一由科第身登仕版者不論文武並應入祠祔祀

一名登科甲未經入仕而品行最優者並應入祠祔祀

一恩拔優歲副貢生名列明倫堂額而品行兼優者並應入祠

祔祀

一援例受職自七品以上而品行無虧者並應入祠附祀
一教子成名蒙恩封贈而品行卓著者並應入祠附祀
一捐產建祠及一切有功宗族學行兼優者並應入祠附祀
一鄉賢孝子二祠非合族公祠春秋二祭由孝子公後老大五
兩房捐田致祭規條另例

宗祠春秋兩祭祝文

維

年歲次

月

朔越祭日值祭曾孫

等謹以清酌庶羞之儀敢昭告於

唐翰林學士兵部尚書封餘姚郡公贈尚書左僕射賜諡宣正

禮公

宋湖州判官罕仁公

宋始遷一世祖榮四公

明處士欽甫公

明處士道澄公

明國學生泰安公

明散官善菴公

明散官味蘭公

明處士素琴公

明處士南莊公

明禮部儒士南川公

明敕授登仕郎鴻臚寺序班百泉公

明附例國學生廉泉公

明敕授文林郎例晉奉直大夫南京太僕寺寺丞掌文淵閣誥

敕嘉靖乙丑科進士熙甫公

明國學生鄉飲大賓見廉公

明誥封奉直大夫兵部職方清吏司員外郎恩貢生蓮峰公

明例授文林郎候選知縣萬曆辛卯科舉人晴岱公

明例授文林郎候選知縣特贈翰林院待詔萬曆辛卯科舉人

陶庵公

明誥授中憲大夫雲南通省清軍驛傳道按察司副使萬曆已

酉科舉人從之公

明例贈承德郎刑部河南清吏司主事升之公

清誥贈中憲大夫翰林院修撰詹事府少詹事晉贈光祿大夫

工部尚書崇祀鄉賢明刑部河南清吏司主事崇禎癸未科

進士易民公

明敕授修職郎江西玉山縣縣丞上饒縣知縣國學生長雍公
清敕授承德郎禮部儀制司主事順治乙未科進士雪庵公

清誥贈光祿大夫吏部左侍郎附貢生蔗園公

清敕封文林郎例晉奉直大夫河南西華縣知縣行取候補主
事考授州吏目國學生蔚軒公

清誥授中憲大夫翰林院修撰詹事府少詹事兼翰林院侍讀
學士康熙己未科狀元誥贈中憲大夫通政使司右通政晉
贈光祿大夫工部尚書崇祀鄉賢惺崖公

清例授修職郎候選訓導歲貢生成二公

清附例國學生良序公

清旌表孝子崇祀忠孝祠例授文林郎咸安宮教習候選知縣

廩貢生松期公

清例贈修職郎安徽石埭縣教諭邑庠生樹堂公

清誥封申憲大夫通政使司右通政晉贈光祿大夫工部尚書

崇祀鄉賢邑庠生監茲公

清敕授文林郎例晉奉直大夫河南西華縣知縣行取候補主

事康熙癸未科進士于磐公

清附例國學生來求公

清邑庠生宜緒公

清例授修職郎候選訓導附貢生倣巖公

清敕授修職郎安徽石埭縣教諭康熙庚子科副貢生遜之公
清誥授光祿大夫工部尙書賜諡昭簡康熙庚子科經魁崇祀

鄉賢祀懷公國晉奉直大夫河南西華縣教諭康熙庚子

清國學生中山公坐監致公大河南西華縣教諭康熙庚子

清馳贈登仕郎候選道庫大使靜遠公嗣光祿大夫工部尙書

清敕授文林郎例晉奉政大夫陝西興安直隸州知州隨帶軍

功加一級乾隆甲子科舉人未君公

清國學生原一公忠孝國附文林郎例晉奉政大夫陝西興安直隸州知州隨帶軍

清例贈文林郎候選知縣國學生寄閒公

清旌表孝義創始義莊崇祀忠義孝悌祠敕贈修職郎安徽涇
縣訓導例晉奉政大夫卽選府同知國學生耕書公

清例贈修職郎晉贈奉直大夫候選州同知加二級邑庠生致

大公

清例贈修職郎候選縣丞例晉承德郎候選州同知國學生寶

開公

清國學生甘如公

清例贈文林郎揀選知縣勗之公

清例封文林郎截取知縣貢生鐵虎公

清例贈修職郎候選縣丞國學生晚香公

清例授徵仕郎候選直隸州州判恩貢生于吉公

清敕授修職郎安徽涇縣訓導加一級例晉文林郎揀選知縣廩貢生訥甫公

清例贈奉政大夫甘肅候補知縣卽選府同知邑庠生訪齋公
清地贈登仕郎浙江紹興府餘姚縣中村司巡檢國學生淵若

公

清例授修職郎候選縣丞祝熙公

清例授登仕郎候選道庫大使晉贈承德郎候選州同知國學

生履之公

清例贈修職郎候選府經歷太學生自庵公

清例授登仕郎東河候補主簿晉贈奉政大夫福建補用直隸
州知州攝理漳州府雲霄照磨太學生秋卮公

清旌表忠義崇祀忠義祠賜贈徵仕郎內閣中書太學生讓齋
公

清例封修職郎議叙八品銜國學生漁汀公

清例贈文林郎揀選知縣候選國子監助教國學生海珊公

清例贈修職郎浙江桐廬縣縣丞國學生貞谷公

清例贈修職郎候選縣丞國學生耐齋公

清例授文林郎歷任江蘇阜寧荆溪縣訓導金壇鹽城縣教諭
揀選知縣道光癸卯科舉人玉溪公

清例贈修職郎候選訓導國學生也漁公

清例授文林郎晉授奉政大夫大挑一等甘肅候補知縣卽選
府同知道光甲午科經魁羅汀公

清例授文林郎卽選教諭截取知縣道光戊子科舉人乙酉科
拔貢生問軒公

清例授修職郎議敘八品銜鐵溪公

清例封登仕郎候選道庫大使太學生震益公

清例贈修職郎候選縣丞誥封奉直大夫安徽補用知州太學
生仲磯公

清敕授儒林郎浙江餘姚縣中村司巡檢署上虞縣縣丞代理

宣平縣知縣軍功加三級誥封奉政大夫五品銜浙江嚴州府經歷覃恩加一級太學生仰之公
太學生蔭堂公
誥封奉政大夫五品銜候選州同加二級太學生菊莊公

清例授修職郎候選府經歷菊溪公
清誥授奉政大夫晉授朝議大夫福建補用直隸州知州攝理
漳州府雲霄照磨隨帶加一級太學生仲才公
清例授文林郎國子監助教揀選知縣咸豐壬子科舉人公恒

清例授修職郎候選縣丞誥封奉政大夫同知銜揀選知縣太

學生申市公

清教授修職郎候選訓導歲貢生駿公公

清例贈修職郎候選訓導邑庠生庸堂公豐壬子採舉人公

清教授文林郎晉授奉直大夫五品銜署浙江桐廬縣知縣本

縣縣丞軍功加三級太學生壬之公

清教授徵仕郎內閣中書例贈奉直大夫候選州同加二級恩

貢生遂柏公

清例授修職郎浙江候補縣丞軍功五品銜誥贈奉直大夫候

選州同加二級太學生賡九公

清例授儒林郎候選直隸州州同太學生成之公

清例授登仕郎候選道庫大使太學生養齋公

清例授奉直大夫五品銜詹事府主簿崇祀昭忠祠附貢生貢

三公

清例贈文林郎揀選知縣邑庠生學之公

清誥授奉直大夫曾封朝議大夫安徽補用知州加二級太學

生西谷公

清旌表忠義崇祀忠義祠例贈修職郎試用訓導康之公

清例贈文林郎揀選知縣予之公

清郡庠生養泉公

清例授登仕郎候選從九品文淵公

清例授修職郎議敘八品銜太學生寶岑公

清敕贈雲騎尉崇祀昭忠祠子繩公

清例授文林郎功臣館議敘知縣同治癸酉科經魁旭如公

清例授登仕郎候選道庫大使竹生公

清敕授承德郎誥封奉政大夫覃恩晉封朝議大夫五品銜湖

北荆門直隸州州同揀選知縣光緒乙酉科舉人鶴舫公之

靈曰

歲序迭更時當春露履之者有怵惕之心本人道以事四時代謝俄值秋霜履之者有悽愴之心合渙散於無

神羹牆可見託深情於薄物愾息如聞形敢忘對越想音容於既渺彌切瞻依

爰擇吉辰修其常

祀溪毛是薦酒醴維馨伏冀

先靈統希昭格尙饗

春祭田考

春祭田向爲孝子公老大房裔孫寅亮經營嘉慶甲子寅亮
歿後房長舜齡接管者二十餘年道光辛卯舜齡既歿族議
仿秋祭田例以族中有科名者掌之爰交老五房裔孫章經
理嗣甲午老五房裔孫令瑜膺鄉薦迺與章輪年遞管租息
所入自供祭祀及給守祠工食外歲有贏餘以資修葺而需
費頗鉅又於祠後購得蕭姓隙地計價二百餘緡歲入不足
互有墊給細數具詳別冊今將祠產坐落字號備載於左

東一場二十八都南一畝嵇號田肆畝

東二場二十八都十五畝都號田捌分

歸田世譜卷二
右田肆畝爲真武廟旁祠田雍正七年勻征案內棄於陸姓
乾隆六年十五世孫承祖將殿旁雷震銀杏樹價合十六世
孫鏊鏞銳捐錢陸兩鉢捐錢陸兩向陸姓取贖又田捌分並
供春祀是爲老祭田

東三場二十八都十八畝貞號田拾畝

東三場三十一都四三畝北哉號田肆畝

右爲十七世孫景灝景溍於乾隆五十年合捐田拾肆畝

東二場三十八都一畝輕號田壹畝伍分

東三場二十八都十七畝邨號田壹畝

右爲十七世孫汝霖於乾隆五十二年捐田貳畝伍分

東三場二十八都十五畮二號田叁畝

右爲十七世孫維禧捐錢叁兩貳錢十八世孫天圻捐錢陸兩肆錢十九世孫啟鎬捐錢陸兩肆錢合置田叁畝

東三場二十八都十五畮二號田壹畝

右爲十七世孫振業捐錢陸兩肆錢置田壹畝

東三場二十八都十五畮二號田貳拾畝

東三場二十八都十八畮心號田肆畝

東三場二十八都十八畮疲號田肆畝

右爲十八世孫寅亮經營祭產贏餘增置田貳拾捌畝

東三場二十八都十五畮二號田叁畝

東二場二十八都一畧策號田貳畝

東三場二十八都十七畧守號田壹畝

右爲道光二十一年十七世心恪入祠十九世孫于恒捐田

叁畝二十世孫佐璽佐洽合捐田貳畝鴻誥捐田壹畝

東三場二十八都十七畧背號田肆畝

東三場二十八都十七畧面號田貳畝

右爲十九世孫于恒於道光二十二年春捐田陸畝

東三場二十八都十七畧守號田叁畝

右爲光緒二十六年二十一世琳入祠二十二世孫慶元捐

田叁畝 共田陸拾捌畝叁分正

秋祭田考

秋祭田於嘉慶丁巳年族議交十八世孫天圻管理歲癸酉天圻歿子錫恭接管迄今不改所有祠產坐落字號並詳於左

東三場二十八都十七畝背號田貳拾叁畝陸分伍釐

右爲比部公贖回老祭田嘉慶二十五年駁善庵公墓基陸分伍釐蔣太安人墓基叁分伍釐白墳樹木遮陰免租叁分淨田貳拾貳畝叁分伍釐

東三場二十八都十五畝二號田拾畝貳分伍釐

東三場二十八都十八畝神號田肆畝

右爲嘉慶十年十七世夢燿入祠傳清捐田拾肆畝貳分伍釐 共田叁拾陸畝陸分正

崇祀鄉賢錄

比部公

康熙二十六年五月常熟縣紳襟王履昌王澧趙延先王登朝
陳溯潢翁與之蔣陳錫錢陸燦馬廷桂嚴龍翔周藻錢瓊張高
位趙世鐸錢天定曾肇甲鄔載錫馬惟升戴士英葉文昌等以
公德行與文學兼優宦績並鄉評允協公籲申詳敕下崇祀鄉
賢事呈學本學生員蔣光奕葉文模金先志等又具呈請祀鄉
賢本學廩增附生員孫爾鑄馬尹黃任光等復遵帖仰實覆并
里鄰張枝起黃珏徵嚴闈公李宗梁親族李有章王雷伯歸用
章歸文潤等執結具繳六月常熟縣教諭程孟訓導張銓以故

宦德徧於鄉學以爲仕堪爲邦國儀型足光膠庠俎豆加結牒
縣常熟縣知縣楊振漢以贈宦百年名世八行全身獨敦實行
羣仰義風加結申府蘇州府知府胡世威以故宦綱常柱石士
類斗山允推一鄉之賢何愧兩廡之列加結詳司七月江蘇布
政司劉以故宦文繼歐陽學源伊洛名教有功膠庠可祀
加結呈詳八月奉江蘇巡撫田批據詳歸宦端品高標清

襟雅量既孚輿情宜崇祀典到司行府仰學九月江南學政李

振裕批據詳歸贈公德秉性成義由夙惠輿誦同聲膠庠宜配

如詳舉行到司仰縣行學十二月儒學遵傳歸宦官屬速備贈
翰林院修撰左春坊左中允兼編修明進士歸公起先木主候

學擇吉於次年十月二十二日呈縣迎送入祠牒復轉報
常熟縣儒學造呈崇祀事實

計開

一本宦姓歸

諱

起先字裔興號震復崇禎丙子科舉人癸

未進士授刑部主事今以子貴康熙二十年恭遇覃恩
敕贈儒林郎翰林院修撰復於康熙二十三年恭遇覃
恩敕贈左春坊左中允兼翰林院編修

一本宦生有夙慧四歲父以周易示之即能指別卦畫暨
出就傅無童心不苟言笑讀書琅琅同學便戲憚之無
敢戲謔者時師以許衡目之

一本宦爲諸生試輒冠軍恂恂若處子館穀所人悉供甘旨及兩弟師資費丙子鄉薦後猶然時以爲真孝廉

一本宦誠孝白天雖在異地至性冥通卽其釋褐之年在都門夢與封公別依依不忍釋手覺而涕泗枕席亟寄書歸囑其弟勉力事親而封公已捐館舍臨歿執其季子手言曰汝兄在都必常有夢吾已與之訣別矣計之適感夢之日也其至孝無間如此

一本宦癸未登第釋褐授刑曹佐法司對簿指陳其疑獄侃侃無所避平反者數章法司咸器重之提牢一月評視寒煖燥溼飲哺必均人皆感德未幾丁外艱歸痛不

得終養遂絕意仕進菽水奉母者二十餘年遠近以純孝稱

一本宦在刑曹時故大司馬張諱國維以無辜下詔獄旦夕懼不全本宦重其品行悉力調護飲食醫藥存卹備至一時咸頌盛德云

一本宦乙酉秋東鄉亂民劉某聯結海寇將爲不利其烏合者多鄉之愚魯暨富家子弟劉旣敗獲其冊籍一帙好事者欲獻之當事本宦禁不得取視對眾於神前火之而蔓連之禍息

一本宦兩弟相繼卽世撫姪猶子延師擇配衣食婚嫁之

事經紀備至卜地葬父按照昭穆穴先祔葬兩弟柩時元配陶夫人之柩在堂弗願蓋慮諸孤之不克舉大事而至於暴露也其至性友愛類如此

一本宦九世至六世祖塋俱有祭田向爲族之窶者竊售本宦爲諸生時卽不勝悵憤鄉薦後遂領袖捐貲與族之賢有力者湊價贖回其糧役俱獨肩其任不分累族人也嗣子恪遵先志至今無異言

一本宦祖母之姪盛益之卽漢陽郡守劍崖公之孫家貧物故子尙幼不能自活賃身於人本宦諸生時以館穀贖歸撫養於家

一本宦母黨表兄蔣登之湖南望族以糧役破家官逋至
二百金外徵比酷甚本宦向當事挺身任之第求寬其
限期設法完納遂得漸次輸足追呼不擾而國課以清
蔣母仰天加額曰活我家者歸比部也

一本宦母姨王氏適武陵族早寡貧且無子本宦贍養之
終其身至七旬外卒喪具如禮擇地北麓而葬焉勒石
墓旁以杜樵牧蓋以慰母心也

一本宦友于誼篤兄弟無堂從待之如同父然乙酉秋風
鶴戒嚴道路多壅本宦隱於鄉足跡不入城市有堂弟
用章家頗溫溫橫逆欲掩取其貲本宦跋涉危險出入

數四而禍得解家賴以全

一本宦元配陶夫人相夫課子有古女士風贈公家殊寒

無以析兩叔箸夫人體本宦意盡出其奩資措置薪米

器物俾得分爨而舅姑之心大安本宦年甫強斷絃奉

母命念其賢德遂不復娶云

一本宦邃於易出入必攜以隨或在舟中正襟危坐而讀

之晚年上參漢晉下及濂洛諸儒之精義注易聞一書

三易稿而成今詹事公繕寫擬進呈御覽蓋其夙解及

一生心力尤在於此

一本宦著述甚富學庸語孟有大旨陸羽明先生詩通徐

筆筒先生解注有彙刻馮嗣宗先生名物疏有纂二十
一史有節錄老莊有考略參同契有訂皆焚香靜坐心
摹手追而出之有功於經史非苟焉著述而已

一本宦品行端方有王彥方之風遇邑中有大利害必曲
爲區畫條可否白之當事否則養親課子閉戶讀書邑
令雖造請罕得見其面其高介如此

一邑中有無辜而繫重獄者獄成則九口當坐法斃本宦
惻然力辨之當事遂得平反然不自以爲德尤古人所
難

一本宦所居春風巷一境無井里民苦之本宦捐貲建義

井汲者便焉

一本宦由歸墅抵城見道有遺骸惻然憫之捐貲置產建
義塚於二十六都十畝黎宇號地方其賦稅本宦獨在
之勒石為誌凡死無所歸葬者纍纍澤及枯骨人咸加
額云

一本宦里居與邑紳王申恬蔣南陔諸先生倡同善會置
買義田一切賑生構死修塗涉梁有不告告必給頌聲
載道

一本宦葬親用地師張心陽張老無子本宦贍養終其身
歿又卜地葬之張病革有杜回老人之誓

宮詹公

乾隆十年 月常熟縣舉人陳祖范邵煥貢監生員丁朝璧孫
旃蔭姚大勳蘇乾元許樹猷席紹綱陸士坊姚景熹王大椿陳
澧等以公儒臣之清節可風士論之景行彌永懇准牒申題請
崇祀事呈學本學廩增附生員蕭元美周安節言夢奎等又臚
具事實據實繳覆并里鄰曹良邵瞻親族蕭安歸濟等執結具
繳常熟縣教諭畢 擢以公綱常柱石士類斗山有光鄉里之梓
桑無忝膠庠之俎豆加結牒縣常熟縣知縣遲維執以公清時
碩望昭代偉人士論不誣崇祀允協加結申府蘇州府知府傅
楷以公士林宗匠儒行名臣溯厥芳規宜崇鄉祀加結詳司江

蘇布政司王師以公奮志雞窗題名雁塔既協輿情宜崇祀典
加結申院江蘇巡撫安學以公學富五車名聞四海洵爲鄉國
儀型宜錫宮牆祀典具題禮部議得江蘇舉報鄉賢已故詹事
府少詹事歸允肅既經該撫等查核明確據結保題應准其入
祀恭候命下之日行文該撫照例遵行可也謹題奉旨依議欽
此十月二十四日縣送入祠

常熟縣儒學造呈崇祀事實

計開

一本宦姓歸諱允肅字孝儀號惺崖江南蘇州府常熟縣
人由廩膳生中康熙癸卯科舉人已未科進士殿試第

一甲第一名授翰林院修撰辛酉科順天鄉試主考官
陞日講官起居注翰林院侍講侍讀轉侍講侍讀學士
陞詹事府少詹事纂修方略明史館總裁康熙二十六
年乞假回籍生於崇禎十五年二月初九日卒於康熙
二十八年七月初一日在籍病故

一本官在翰林屢膺異數康熙二十一年正月十四日詔
廷臣自四品以上與宴內廷恭和御製柏梁體詩公方
官修撰位六品特旨召進獲與賡颺當時以爲至榮侍
講員缺例由堂院推舉以公近視不列聖祖仁皇帝以
片紙書公名袖示諸大臣遂拜常參進講之命乞歸後

歸田州譜卷三
聖祖仁皇帝南巡公伏迎清河道左呼公名問曰病好
未其寵眷始終不衰如此

一本宦經筵進講時以宋儒程伊川自勵必肅恭明神齋
戒沐浴所講周易毛詩辭達理舉啟沃恒多睢州湯公
曰講筵得正八天下有賴矣及晉宮詹得隨大寮與議
國政公嚴氣正性守道不阿有不可者必力爭之朝右
服其鯁直

一本宦主試順天虛公詳慎務以精白自矢先期有行賄
於左右者有挾勢力要之者有假薦士名以市者公誓
於神不少徇及榜發一空諸弊司空柏鄉魏公額手慶

曰不圖今日有此盛舉士論爲之翕然

一本宦纂修明史凡所可否皆有卓見不詭眾論共事如武定李公澤州陳公安溪李公皆宿儒碩學必就公諮訪資其博識

一本宦自通籍未十年位躋端尹悉由簡拔不藉引援有執要者欲要之使出門下公爲謝絕於朝堂公謁外邈如也其特立有如此者

一本宦性廉介不通餽遺雖通顯而匱乏如故及侍講猶衣傳臚日所賜衣聖祖仁皇帝注目久之賜以內府紗幣

一本宦篤於行誼鄉舉師爲在平王公登第後王已前歿周卹之無不至且扶植其後人會試出崑山葉文敏公門文敏方柄用引身遠嫌跡若疏濶及文敏歿於京率先盡力經營其身後事同年孫某奉使南安卒於途次撫其孤爲謀歸殯之費生平交友無多人皆以道義相合久而能敬旣貴不忘素交

一本宦天性純孝十歲丁母憂哀痛過成人奉父比部公左右就養依依孺慕不異提抱時居喪備禮祭祀必盡其誠敬迨乞假歸奉敕書展拜墓次慟不能起曰不肖不能養志生前徒以身後虛名爲父母榮無益也行道

爲之感泣

一本宦忠誠愷惻親族昆弟間無失歡者家雖貧有無必推以相共治家尤謹嚴及第後戒族人勿以聲色加鄉里及禁家人不得與外事食麤衣布無爭競叫囂者里巷若忘其貴家至今家法猶爲一邑之最

一本宦天才旣高嗜古尤篤於書無不通尤長於詩通籍後肩輿出入必攜書以往夜則篝鐙朗誦恍如儒生制義以明理達意爲主不事雕繪有其家太僕之風詩格在眉山劍南間著有集若干卷

封中憲公

乾隆十二年二月常熟縣舉貢生員韓芝譚見龍張仁美郭兆
蓀沈用哲蔣泚何經國許樹勲戴孚先唐黼廷蘇廷颺蕭漢一
等以公家有守身事親之令子國有教孝勸忠之嚴父陳請轉
申以崇祀典事呈學本學廩增附生員陳瑩沈致和戴宸恩等
又具呈繳覆并里鄰曹良邵瞻親族蕭章歸時等執結具繳常
熟縣教諭畢擢以公仁心爲質孝德堪師洵足典型前哲矜式
後賢加結牒縣常熟縣知縣遲維執以公才地通明風標秀舉
宜膺祀典用發幽光加結申府蘇州府知府傅椿以公德懋承
先道隆裕後洵屬完人宜崇禮祀加結詳司江蘇布政使王師
以公系出名賢家傳儒素旣邀殊榮於紫詒宜膺鉅典於瞽宗

加結申院江蘇巡撫安寧以公宅衷醇慤立體中和生前既邀
紫誥之榮歿後宜膺瞽宗之典具題禮部議得江蘇舉報鄉賢
已故贈通政使司右通政歸宗敬既經該撫等查核明確據結
保題應准其入祀恭候命下之日行文該撫照例遵行可也謹
題奉旨依議欽此十月二十四日縣送入祠

常熟縣儒學造呈崇祀事實

計開

一本宦姓歸氏

諱

宗敬字端士號監茲常熟縣儒學生員

文學蔗園公次子嗣詹事府少詹事惺崖公後乾隆元
年恭遇覃恩以子貴誥封中憲大夫通政使司右通政

生於順治庚子年二月二十三日卒於雍正甲寅年十月十一日

一本宦志行廉潔父歿止取圖書數十卷曰先人手澤所存也財產什物悉以與姊妹之未字者宗黨難之

一本宦事嗣母至孝食飲必躬進左右扶掖不假僕妾母疾輒焚香告天願以身代及其歿也哀毀骨立柱而後起祭祀執爵涕洟展如在之敬終身思慕弗衰

一本宦誼篤友于昆弟敦齒讓之節至老接屋並居有無與共宗屬之貧乏者爲代計衣食推解不倦

一本宦厚於故舊凡親友告貸緩急無少靳而不責其償

歲時醜遺雖匱乏必典質以給人稱其風義之篤

一本宦溫厚醇謹終身無疾言遽色與人交愷惻有恩意無狙詐澆薄之習有非義相干者則端莊整飭凜不可犯家人子弟奉其家法無敢戲渝

一本宦營宮簷葬地親負土穿壙足爲之厝及葬廬於墓次不入房闈者二年人謂可入古人孝行傳

一本宦以宗祠廢毀卜築於子游墓之左偏方爲創造先是其有吉夢兆祥及發地得先世鐫石遺象人以其爲至孝冥通迄今子姓春秋薦享弗替

一本宦居家廉儉無雕組奢靡之飾戶內惟誦讀紡織聲

一切博奕事概屏不與

一本宦學宗桂朱課子不專以文藝甫就學卽飭以立身行已明體達用之學臨文規撫先民融會先儒傳注僞體勦說弗尚也

一本宦性嚴正子宣光官於朝郵書訓誡最以黽勉奉職用繩祖德晚多病宣光欲乞假歸覲累書止絕言國爾忘家之義病寢劇猶力疾數行諄復訓勉不及家事

一本宦朔望必潔除焚香肅衣冠北嚮九叩與家人言惟以國恩深重爲懼雖在草莽亦每飯不忘君也

司空公

嘉慶九年十月常熟縣紳襟言如泗蘇去疾張敦培嚴本中邵
廣融沈輝玉屈振鏞趙同岐景炳鮑份等以公立朝不忝名臣
輿類交推盛德懇在牒申題請崇祀事實呈學本學廩增附生
員陳廷楹黃中德蘇岐鳳等又具呈繳覆并里鄰金昆王景福
親族吳元善邵聖藝歸道登歸元亮等執結具繳十一月常熟
縣教諭胡先聯以公望重生崧才優作楫朝望久孚鄉評允協
加結牒縣常熟縣知縣陸在元以公川嶽鍾英股肱翊運核羣
情之攸好宜祀典之追崇加結申府蘇州府知府周鏞以公系
本簪纓性成孝友胥稱吳會之儀型宜與瞽宗之崇祀加結詳
司江蘇布政司汪日章以公德重圭璋望隆山斗輿論旣孚丞

嘗宜薦加結申院江蘇巡撫汪志伊以及公清慎當官惠澤及物

公評既協美報宜隆據布政司取造事實冊結詳請入祠會同

兩江總督陳大文合詞具題奉旨該部議奏禮部議得江蘇巡

撫將已故工部尚書歸宣光題請入鄉賢祠事關大臣從祀應

照例專摺具奏可否准其入祀鄉賢之處恭候欽定請旨十年

四月十三日奉旨歸宣光准其入祀鄉賢祠欽此九月初九日

縣送入祠員中蘇燕如鳳吟又具呈鄉賢祠花里徽金及正德景臨

常熟縣儒學造呈崇祀事實疏更實呈奉本縣儒學

計開蘇州府常熟縣儒學造呈崇祀事實

一本宦姓歸諱宣光字念祖號祀懷江南蘇州府常熟縣

人由廩膳生申康熙庚子科第十五名舉人考授內閣
中書歷官內閣侍讀山東道監察御史兵科給事中欽
命巡察湖廣留在三年擢鴻臚寺卿通政使司右通政
通政使司通政使戶部右侍郎吏部右侍郎兵部左侍
郎吏部左侍郎兼工部右侍郎內閣學士兼禮部侍郎
欽命祭告東嶽東海東鎮仍補吏部左侍郎陞禮部尚
書兼署吏部尚書管理都察院印務調都察院左都御
史轉工部尚書乾隆二十六年恭遇覃恩誥授光祿大
夫以疾卒於位賜諡昭簡

一本宦曾祖諱起先前明崇禎癸未進士刑部主事崇祀

鄉賢祖諱允肅康熙己未一甲一名進士由修撰歷少詹事崇祀鄉賢父諱宗敬邑庠生崇祀鄉賢自曾祖以下皆以公貴贈光祿大夫工部尙書本生祖諱允哲於公官少宰時馳贈光祿大夫吏部左侍郎

一本宦甫爲御史卽奏陳崇文門各關稅口書役勒索諸弊請行禁止及爲兵科給事中以兵科有驛站奏銷使費一項向爲科員書吏從中侵沒奏請裁汰歸公以清宿弊俱奉旨允行

一本宦任湖廣巡察凡爲利病無不悉心咨度尤留心民食以鄖襄歸等處地廣民情多不耕之土湖南苗獠不

務稼穡率多乏食與督撫合詞奏請開墾自備牛種者
蠲其賦官給者三年後量爲起額又以永順府屬之鳳
灘桑植營駐防之新司城山水險惡餽運多至漂沒請
修治道路以便轉輸行李及奉命留任報墾水旱田至
二十八萬四千二百有奇苗疆報墾者亦日眾向之磽
确皆成沃衍食遂以饒復念永綏新闢苗疆產米不敷
食用請撥藩庫公項銀二千兩給永綏同知就近地成
熟處采買運倉以備平糶費省而食裕又奏沿江沿湖
水汎塘房每爲秋水漲沒弁兵避地高阜稽查未便請
設巡船以專責守在任三年凡所以爲地方興利去弊

者無不至前後建白多蒙俞允

一本宦歷官垂四十年以恪勤練達深邀知遇六部長貳
幾於遍歷洞曉物情兼明掌故案牘盈前剖決如流掾
吏無所售其奸欺待人接物一以和厚出之藹然如在
春風未嘗峭覈爲方以立崖岸然屏絕私謁苞苴不行
三仕銓衡而門庭泊然不愧簡要清通之目

一本宦孝友性成幼喪母李太夫人哀毀如成人任巡察
以父年老多疾步禱武當山願減已算延親壽及一年
任滿例應候代公聞父疾卽交關防於制府兼程詣闕
欲陳情終養至涿州奉旨留任公星馳宮門得蒙召見

陳情恩假兩月省親迨父疾愈始赴任及第一任滿仍奉旨再留任公力請終養抵家侍奉湯藥未嘗廢離閱兩月父歿公居喪盡哀盡禮一應儀節並按朱子家禮行之至於服式尤所加意雖冬裘亦用粗麻爲表

一本宦具知人之鑑公爾忘私乾隆九年京察詔大臣舉賢自代公薦副憲尹公會一時論以爲得人復奉旨舉長於經學之士公卽以受業師進士陳公祖范應詔經廷臣會核咸以公所舉爲當陳公蒙恩授國子監司業論者謂公深得以人事君之義

一本宦於親故族黨恩意周浹公元配趙夫人之妹適張

氏者老而貧每分俸卹之復撫其幼女爲擇壻遣嫁尤爲鄉里所稱又以同鄉士人遠客都門貧乏者或不能僦屋公首捐俸創置常昭會館俾應試及需次者俱得其所依庇焉

一本宦遭逢兩朝知遇恩賚優渥三充殿試讀卷官前後凡蒙恩賜御書御詩紗葛貂緞以及御膳食物等歲無虛時不可悉記乾隆二十六年公爲工部尙書恭遇皇太后七十萬壽朝臣年臻耄耄者繪圖爲九老會寵以御製詩章公年七十名列第六賜杖賜宴眷賚有加旋奉旨著於紫禁城騎馬身歿之後蒙恩優卹諭祭一次

御賜碑文立於墓道兼荷易名之典眷遇之隆始終無
間可謂存榮歿哀極明良之盛矣

歸氏四世鄉賢錄序

陽湖 洪亮吉 釋存

魯太史克有言曰昔高陽氏有才子八人高辛氏有才子八人此十六族也世濟其美服子慎云高陽氏才子八人禹垂之屬也然禹爲伯鯀子而云世濟其美卽文命當有慙色焉甚矣世及之難也余生平慕古賢人蹤跡所至輒拜鄉賢名宦祠以寄其嚮往前曾至華陰古弘農郡所屬也道旁高冢自漢太尉震以下咸有次序碑碣可考及謁學宮之祠則太尉震及子太尉秉孫司空賜曾孫錄尙書事彪四世咸祀於中焉慨慕久之又曾謁許州學宮見漢太邱長陳寔子鴻臚紀徵君謚孫魏司空羣天下以爲公慙卿卿慙長者也然亦皆列於俎豆竊謂海內

望族如此二家者殆難其繼矣乃今復於常熟歸氏見之今所
編四世鄉賢錄是也盛矣哉謂非本朝以來士大夫之家之僅
事哉其一世爲贈中允諱起先次少詹事諱允肅次贈右通政
諱宗敬次工部尙書諡昭簡諱宣光或爲善於里閭或立勲於
朝宁其接踵入鄉賢也朝之上大夫以迄里中諸父老咸以爲
當此真太史克所言世濟其美者乎余與昭簡公季子浙江布
政使司景照皆以事戍伊犁過從尤密閒中詢君先世事甚悉
今布政君蒙恩旋里顧以弁首之文見委遂不敢辭而序之亦
益以見我朝景運之隆風俗之美士大夫居鄉立朝卓卓有所
表見至高曾祖考四世而潛德淳行不愧於俎豆

有如此者洵
可以風世矣

歸氏三世鄉賢專祠記

嘉定錢大昕曉微

且天之生賢不數賢而聚於一鄉與聚於一家尤不數而獨虞山歸氏祖孫父子相繼而起生爲鄉先生沒而祭於社三世相承何澤之長也我國家舉賢獎能激揚風勵靡不至旣以歸氏三世秩祀鄉賢而其曾孫又推衍聖朝之德意而有建立專祠之舉屬大昕爲之記余何敢辭按歸氏之有德可紀有節可傳者曰易民先生前明進士官刑曹內介外和惇倫蹈道粹然君子儒也而以皜然高節從祀鄉賢先生子惺崖先生康熙中以進士第一人入翰林官宮詹不奪於威不誘於利議大政事持正不阿宮詹子贈光祿大夫監茲先生恭謹樸茂渾然至善生

尙書昭簡公敷歷中外垂四十年天子嘉美勤勞命祀其祖若
父於鄉俾砥行礪節者咸知自愛而有以垂光於身後典至重
也而其子孫以爲國家秩之祀典鄉人既有矜式矣而後之人
顧不爲之專祠何以揚國恩而光祖德因於嘉慶二年曾孫寅
亮拱摺銜等購得宗祠旁胡姓隙地建祠其上歲時致祀焉歸
氏本吳中著姓而虞山又名勝地其間清淑之氣磅礴而鬱積
必有魁奇忠信材德之士生爲名世歿爲名賢者出焉而歸氏
世有令聞如此非魁奇忠信材德者耶朝廷表彰之鄉黨崇奉
之而其子孫又爲建祠使之世世不祧以盡孝思以爲觀法後
有相繼而起者則而效之無難矣

鄉賢專祠春秋官祭祝文

維

大清

年歲次

二月

朔越祭日

主祭官

蘇州府

常熟昭文

縣知縣

攝祭官儒學

教諭訓導

致

祭於

皇清誥贈中憲大夫翰林院修撰詹事府少詹事累贈光祿大

夫工部尚書崇祀鄉賢明刑部河南清吏司主事歸諱起先

皇清誥授中憲大夫日講官起居注翰林院修撰詹事府少詹

事兼侍讀學士累贈光祿大夫工部尚書崇祀鄉賢歸諱允

肅

皇清誥封中憲大夫通政使司右通政累贈光祿大夫工部尙
書崇祀鄉賢歸諱宗敬

皇清誥授光祿大夫工部尙書賜諡昭簡崇祀鄉賢歸諱宣光
之靈曰維

神派衍有唐名隆昭代緣鄉邑之推揚蒙

國恩之嘉錫

斗山望重配俎豆於兩廡

朝野欽崇紹箕裘於四世上丁致祭既邀奠菜餘榮繹祭明誠
復卽醴牢是獻爰當仲春秋謹以粢盛庶品敬陳明薦尙

饗

旌表孝子錄

教習公

雍正九年四月昭文縣貢監生員嚴天峻錢纘祖黃如珽王應奎瞿朝瑛錢河韓芝王崇垣等以公孝行久著鄉閭輿論咸推順德公籲牒詳請旌以光孝治事呈學本學廩增附生員蕭漢一瞿鈺孫夢達等又遵查實覆采列孝行事實并里鄰徐成王崇本親族景行歸黃敏等執結具繳昭文縣訓導張元淑以孝子情深怙恃念切瞻依既孚輿論亟請旌揚加結牒縣昭文縣知縣勞必達以孝子純孝性成友于誼篤不愧完人允稱令子加結申府蘇州府知府周夢錦以孝子孝本天成行堪世則合

請旌揚用光名教加結詳司乾隆二年江蘇布政使飭令覆核

五月里鄰親族等又以公竭力事親不勝枚舉其深愛婉容色

難之孝也先意承志將順之孝也修脯悉以奉親不有私財之

孝也顛天焚禱親疾自瘳誠格神明之孝也扶翼諸弟同居三

十年友于兄弟之孝也盡禮盡哀六十年如一日孺慕終身之

孝也校訂家學修明譜系善繼先志之孝也聯名具呈歲貢生

歸整歸鏞歸銳等復具呈查卷牒申六月訓導呂屏書知縣姜

順蛟知府黃鶴鳴覆加結看牒請轉申江蘇巡撫楊永斌會同

總督慶補學政張廷璐以孝子菽水承歡蓼莪有淚處食貧居

賤之時孝行克臻其至循奉養服勞之義孺慕不改其初於乾

隆二年十二月彙題旌表奉旨該部議奏三年十二月初六日
禮部議得江蘇巡撫疏稱蘇州府昭文縣孝子歸復佺等該撫
既稱孝行是實與例相符應如所請准其旌表俟命下之日行
令該撫轉行該地方官給銀三十兩聽本家自行建坊可也謹
題請旨初八日奉旨依議欽此

昭文縣儒學造呈孝行事實

計開

一孝子姓歸名復佺字松期歲貢生係在城都東南二畝
火祖起先崇禎癸未進士官刑部主事父允哲長邑庠
生母席氏復佺生於順治十二年十二月十一日歿於

康熙五十七年二月十八日存年六十四歲生平孝行
詳列於左

一孝子生有至性幼即能承順父母顏色凡溫清定省靡
間晨昏其父素行端方不事瑣屑家貧有三弟一妹母
氏辛勤拮据常不能具饘粥孝子年二十出贅外家甫
逾月即挈婦歸庀治家政侍奉二親膳養弟妹一切有
無俱一身任之父母嘗謂人曰吾向者受多子之累今乃
知有子之樂矣

一孝子性聰慧早有文譽甫弱冠即爲塾師所得修脯悉
以奉親有畚田廿畝因父困於官私憂形於面孝子謀

諸婦卽鬻田以償父逋父聞而責曰胡不我告孝子泣謝曰恐告之而傷親意也

一孝子兄弟四人仲氏宗敬嗣嫡叔宮詹允肅後父念叔季尚幼貧不能延師孝子親自督課凡婚娶之事亦獨肩其任不以累二親也妻陶氏擗績織紵相夫內治無怨言亦無德色以故兄弟怡怡同居三十年式好無尤族黨稱之

一孝子父允哲於康熙二十八年八月得暑疾藥餌不能進孝子驚悸無措終夜對天泣禱願減已算益親父歿後擗踊哭泣股毀骨立水漿不入死而復甦二年之內

茹蔬飲粥血淚交頤一切宴會不與至衣衾棺槨之勉力盡禮又其餘事矣

一孝子有一妹母所鍾愛適李氏貧而寡母憐之特甚孝子時以銀錢奉母蓋曲體母之意欲其以遺妹也并其子女時時迎養於家後伊子痘殤撫恤其二女經理其婚嫁李有田廿畝孝子恐其不足用而貽母憂爲之代辦賦稅至今伊子歸整等猶謹守先志不改云

一孝子父以食麵角致病父歿後孝子終身不食見之輒潛焉出涕其侍母也晨昏省視品物必擇其喜悅者然後進食必同席曲勸加餐少減則色憂有不忍食羊棗

一飯亦一飯之風

一孝子貢入成均名噪京師司成孫岳頌魯瑗以國士遇之每試輒第一就館教習而母病之信忽至星夜就道都下諸公勸之勿歸孝子曰吾忍以功名之念而抱終天之恨乎歸而母病已愈自此杜門色養不忍遠離

一孝子博覽羣書寒暑伊唔至老不倦願得一第以顯父母甲午南闈報罷泣然流涕謂其子姪歸鑿歸宣光等曰百行以孝爲先孝以顯揚爲重汝祖讀書砥行而不得邀一命之榮吾之所以死不瞑目也若輩其勉旃

一孝子母席氏於康熙四十五年忽患頭暈勢劇甚孝子

書則調治湯藥夜則焚香祝天願以身代每一劑需四五金孝子雖典揭弗顧也如是者百餘日誠孝格天母病遂瘳年至八十五壽終而孝子已心力俱瘁亦自此患病矣猶孺慕如幼時盡禮盡哀一如喪父逾二年亦歿

一孝子祖起先通易理著易聞若干卷季父允肅欲進呈不果孝子念先志未遂集錄成書藏諸家塾先將伊祖所著詩經通解鏤板行世治毛詩者咸取則焉又校從祖歸有光文集并撰震川年譜歸文考異附於卷末以傳其家學更念歸氏自唐宣公以來譜牒散失因儆蘇

氏圖譜分別支派凡先世誌銘行狀一一垂諸家乘以
示尊祖敬宗之意其孝思有如此者

一孝子文行兼優早年入泮食餼上庠試輒高等學使者
郇陽邵嗣堯遂寧張鵬翮皆拔置冠軍有道學中人之
目數奇困場屋十三次貢入國雍以母老亟歸鄉里賚
志以歿

歸孝子祠記

姚鼐

余嘗讀震川先生歸氏二孝子傳心慕其爲人旣聞其子孫寥落慨然歎其食報之不長也今年秋歸君拱等應行省試就見余於鍾山講舍出孝子松期先生傳欲重修其祠求文以記之余惟孝子明進士易民先生之孫己未殿撰孝儀先生之姪父諱允哲名諸生後以孫昭簡公貴賜封光祿大夫孝子內行淳備侍二人愉愉然不刻離愛敬之節悉與禮經合弟妹四五人家貧不具饘粥孝子出脯修以佐費父逋官錢私驚婦資遣田廿餘畝償之父知而詰之曰胡不我告謝曰告則恐傷親意也居恒有所詣命之出然後出一日友人強招爲文社晨值父臥

躬詣床辭而行而父復卧逾時忘其已謁也求孝子不得怒甚歸而笞之傷其鼻迨侍者言之乃已後鼻常有傷痕終不忍言父之所傷也其恭順類此妹適李氏貧且寡孝子以母念之也迎養於家并爲其子女計一如己所生者然而母亦忘其爲己嫁而寡者也凡此皆人之所難而孝子出自天性欣然爲之而無所勉強所謂竭力承歡者無愧矣少爲諸生最爲學使郟陽邵嗣堯所知後入國學司業魯瑗器重之然終不遇而歿乾隆二年巡撫楊永斌以孝子事聞詔表其門秩祀忠孝祠己未歲其嗣得宗祠旁隙地建祠於上乙酉重修迄今又三十餘年矣其後人復謀重新之不獨神之妥侑有所憑依亦見孝子有後

子有後食報於無窮也夫震川爲一孝子立傳而祠墓久已無存至於今歸氏又生孝子其子孫於建祠之後重葺之又更新之孝同而食報之不同如此非不同也彼有震川之文垂於無窮雖無祠可也今余爲松期先生祠記何敢擬震川於萬一哉特其孝之可稱無弗同云爾

孝子專祠春秋官祭祝文

維

大清同治

年歲次

二月月

朔越祭日

主祭官

蘇州府

常熟縣

知縣

攝祭官儒學

教諭

致

祭於

皇清旌表孝子廩貢生

咸安宮教習候選知縣

崇祀忠孝

祠歸

諱

復佺之

靈曰惟

神力粹親幃心勤子職故孝著生前可無慚於百行斯名垂

身後宜食報於千秋俎豆維新用示

褒崇之至意牲牢是薦少酬菽水之承歡惟茲仲春謹以粢盛
祀典式陳明薦尙

饗

祭贊儀注

兩專廟同

序立 就位 跪 上香 灌酒 奠帛 叩首 叩首

三叩首 興 跪 讀祝文 初獻爵 亞獻爵 三

獻爵 叩首 叩首 六叩首 興 焚帛 望燎 揖

禮畢

歸氏新建鄉賢祠重修孝子祠碑記

蕭掄

維國家敘倫錫極褒忠教孝凡士大夫或出或處有功德可紀敘者生則錫寵命歿則俎豆勿替於以導揚風化宣示眾庶俾海內曉然知爲人臣子之義此常熟歸氏所以推衍聖朝之德意而有建修鄉賢孝子二祠之舉也按歸氏之秩祀於鄉賢祠者三人一爲易民先生先生仕明爲刑部主事明亡不仕國家旣追錄前代殉節諸臣咸予贈諡先生亦以皜然高節崇祀鄉賢祠先生子惺崖先生康熙中以進士第一人入翰林官至宮詹宮詹子贈光祿大夫監茲先生生尙書昭簡公昭簡歷仕數十年天子嘉其勤勞命祀其祖若父於鄉勸忠也孝子松期者

刑部之孫宮詹之從子潔白養志宗族稱孝乾隆初有司以聞於朝詔崇祀忠孝祠蓋此四君者朝廷既加之褒錫秩之祀典矣而其子孫以爲國家褒顯忠孝春秋祀事爲鄉人矜式而吾後之人顧不爲之專祠以奉烝嘗甚非所以宣國恩而光祖德也故於乾隆四年卽宗祠旁特構之室爲孝子祠嘉慶二年曾孫寅亮等葺而新之又構一室爲鄉賢祠旣落成屬余爲文記之余惟本朝定鼎之初勝國遺臣往往自放於山巔水湄之間迨天下太平蓋臣令子宣力於國與敦行於家者蓋亦多有天子以其不忘故主特加褒錄而其有勲勞當世者又必推恩祀其祖父至於家庭之庸行亦不遺焉歸氏代有聞人克以忠孝

蒙被恩澤而其子孫又能世載其德無忘前人作爲堂室以致
其孝享是皆可述而志也謹爲誌其麗牲之碑而系以詩曰
哲人御宇物則孔昭匪忠何顯匪孝何褒孰當興運而不造朝
薇柔載采麥秀載謠帝曰匪愚亦各爲主命祀於鄉歆此豆俎
爰有喆嗣文章彬彬厥孫潛德載誕元臣英英尙書爲帝心膂
帝曰俞哉而祖而父訓而以忠厥有令譽應乃懿德祀典有序
惟忠惟孝曰篤不忘恂恂門子而通神明帝曰禮臣其議褒揚
爰旌其閭令聞孔彰孰邦之彥孰家之良懿此一門澤遠而長
虞山之側崇構別室改塗易簷凡筵秩秩曰惟帝恩光乃祖德
子子孫孫享祀勿忒

鄉賢孝子祠葫蘆井祖墓祭田考

南四場四十九都九畷才字號田壹畝伍分玖釐貳毫

米壹石肆斗零陸合

南四場四十九都九畷罔字號田壹畝壹分玖釐

麥壹斗壹升玖合

米玖斗伍升柒合

右爲老大房十九世孫于恒捐田貳畝柒分捌釐貳毫

南四場四十九都八畷彼字號田壹畝

米玖斗

南四場四十九都九畷男字號田玖分柒釐

麥肆升捌合

米柒斗柒升陸合

右爲老大房二十世孫佐璽捐田壹畝玖分柒釐

南四場四十九都九畝方字號田壹畝叁分

米壹石壹斗柒升

南四場四十九都九畝才字號田柒分

米陸斗叁升

右爲老大房二十世孫鴻誥捐田貳畝

南四場四十九都九畝方字號田壹畝壹分

米玖斗玖升

右爲老大房二十世孫佐洽捐田壹畝壹分

南四場四十九都八畝己字號田貳畝

麥貳斗

米壹石陸斗

右爲老五房十八世孫拱捐田貳畝

南四場四十九都八畝莫字號田貳畝

麥貳斗

米壹石陸斗陸升

右爲老五房二十世孫康慶曾捐田貳畝

南四場四十七都十五畝簡字號田貳畝

米壹石捌斗

右爲老五房二十世孫崧年崧奎崧祥捐田貳畝

南四場四十九都十二畝比字號田貳畝

麥貳斗

米壹石柒斗陸升

右爲老五房十八世孫衡捐田貳畝

南四場四十九都八畝空字號田貳畝

麥貳斗

米壹石陸斗叁升

右爲老五房十八世孫衡捐田貳畝

南四場四十九都十二畝儀字號田貳畝

米壹石捌斗

右爲老五房十九世孫令瑜令璋二十世孫兆豐兆登捐田

貳畝

南四場四十九都十二畝姑字號田壹畝柒分

麥壹斗柒升

米壹石叁斗玖升肆合

右爲同治六年契得席五福下田壹畝柒分

南四場四十七都一畝叛字號田捌分

米伍斗

南四場四十九都九畷才字號田貳畝捌分伍釐

米貳石柒斗陸升伍合

南四場四十九都九畷罔字號田肆畝貳分

米肆石貳斗

南四場四十九都九畷潔字號田伍分

米肆斗捌升

南四場四十九都九畷

身髮字號田貳畝

米壹石捌斗

右爲光緒七年老五房孝義裔孫公捐出壹拾畝叁分伍釐

右祠墓祭田共叁拾壹畝玖分貳毫正

租麥壹石壹斗叁升柒合正

租米貳拾捌石貳斗壹升捌合正

祠墓議單

立合同議單老大五兩房協同老四房爲籌議捐立祭產事竊照葫蘆井高曾祖塋向無祭產每年祭掃爲老大房老四房老五房三分輪值今以道光十二年秋祭老四房無力承辦老大房代爲承祭見孝子公塋坍塌及半隨卽飭諭墳丁修築完固歸後通知各房子姓咸瞿然驚愀然恫焉伏思春秋祭掃固以展霜露之思亦寓防護墳塋之意况我高曾祖考之後子姓繁衍尤宜互相保守惟是人數眾多力有厚薄卽各房輪祭終非久遠之計倘不及今立議以重責成不特祖宗之烝嘗中替且恐塋墓之地址樹木侵占損傷更無以經久維持甚可懼也復

念鄉賢孝子兩祠亦無祭產均係大四五老三房輪祭今老四房既力有不逮祀典攸關豈容聽其闕如因邀集大五兩老房子姓公議捐田二十畝立為歸贈公孝子祠墓祭田呈官存案以杜盜賣之弊其田既係大五兩老房公捐凡完賦收租祭掃祠墓均歸大五兩老房輪年經辦以歸畫一所有各項議條詳列於左

一議鄉賢孝子祠葫蘆井祖塋共捐洞涇橋腴由二十畝以備水旱兩災不缺春秋祭掃之費

一議老大房合捐田六畝老五房大房合捐田六畝大房合捐田六畝六房合捐

田六畝惟儆巖公墓向係老大房承祭今老大房另合捐田

二畝司事者一體致祭毋庸另辦

一議祭田輪年遞管俾得互相稽察定於每年九月中旬承辦者將租簿帳目交與接管之人收掌其銀漕印串及催辛役費均歸本年分收租者承認不得延挨觀望以免貽累接代之人如遇奇荒歉收司祭者自行墊補不得再議津貼

一議老火五兩房經管祭田必擇子姓中產厚而兼公正者其有宦遊在外應輪祭產者即交有產之子姓代行經理不得藉詞執掌

一議鄉賢孝子祠春秋二祭每祭香燭祭品酒米及領官示費給守祠錢封定例用錢一千文子姓飲福不論助祭多少總

歸田世譜卷三
三
以熟饌五簋兩點四足者四席爲率每席一千定例用錢四
千文茶炭酒米等項定例用錢一千文通共該費六千文兩
祭該共用錢十二千文此因經費無多賠累可虞不得不稍
從節省以昭限制

一議葫蘆井祖塋春秋二祭五簋三席每席一千連香燭楮帛
果品等在內定例用錢三千文舟中午飯兩席定例用錢一
千文點心茶葉酒米等項定例用錢一千文舟兩隻定例用
錢一千文通共該費六千文兩祭該共用錢十二千文其祭
餘一席給墳丁兩席留作子姓舟中夜飯之用

一議春秋祭祠祭墳之費照議開銷不必從豐亦毋庸再儉倘

有不敷司祭者自行墊出設有贏餘卽爲數無多亦應交與接管之人收貯輾轉交替以備墊上修理不時之需倘年分既多積有成數或卽公議增置田畝如無餘銀交下接管者亦不得妄行指摘

一議鄉賢孝子祠例應上下致祭今因上下義莊官祭之期酌易中丁或司祭者有事祭期不得過下丁葫蘆井祭墳向係清明日十月朔或司祭者有事祭期不得過十日外如有逾期許眾子姓向司祭者究問

一議墳塋樹木司祭者於祭掃時會同子姓取義莊墓園詳核檢查倘樹有枯傷各子姓不得妄行私取或變價增樹或同

議捐修

一議祭祠上塚司祭者理應到祠到墳卽各房子姓亦不得藉詞推諉

一議春秋祭祠時司祭者先期照例通知各房子姓屆期早集祠堂內過巳不候上墳時黎明齊集司祭者之家船開不候以上各條已經各房子姓議協均無異詞務卽一一恪遵勿紊條約所捐祭田租息自道光十四年爲昉歸老大房經收俾承值十五年祠墓祭掃等費十五年租息輪歸老五房接收承值十六年祭掃各費以下照此遞輪至十四年春秋祖塋祭掃應屆老五房敦禮輪值今仍照舊承辦

十四年鄉賢孝子祠春祭係應老四房輪值今議義莊代
爲墊祭秋祭輪應老五房敦厚承值今亦照舊輪辦俟十
四年秋收後老大房照議經辦以專責守還期各房子姓
均各盡心經理無稍懈忽俾得垂之永遠以妥侑我祖宗
之靈是所厚望焉

道光十三年十一月二十三日立合同議單拱

銜

銜

廷鑑

令瑜

令璋

于恒

佐璽

鴻誥

佐洽

康譽


崧年

兆豐


協議蕙修

羹梅

大樓



祠祀載



孝義專祠春秋官祭祝文

維

大清同治

年歲次

二月

朔越祭日

宜祭

之辰主祭官江南蘇州府昭文縣知縣

攝祭官儒

學訓導

同義莊裔子歸

裔孫

曾孫

等暨義莊司正歸

等

敢昭告於

皇清旌表孝義創始義莊

崇祀忠義孝悌祠

敕贈修職郎

安徽寧國府涇縣訓導監生歸

諱景泚

皇清敕封太孺人歸景泚原配席氏

皇清敕封太孺人歸景淨副室陳氏之

靈曰伏惟褒賢禮重積行必彰秩祀典崇報功不爽繫孝義
之克敦式昭遺訓茲膏腴之永建垂裕後昆中壺辛勤懋
贊義方之教慈闈黽勉允展宗祏之恩沐

九重之褒美

綸綍光榮享百世之烝嘗衣冠肅穆茲屆仲

春雨秋霜露既需降知事

循時食之薦子孫修追養之文式享明禋庶鑑微忱於樽

簋睠懷

碩德惟祈來格於几筵尙

饗

義莊後寢春秋兩祭祝文

維

年歲次

二月

朔越祭日

宜祭之辰義莊

主奉 等同義莊司正 等敢昭告於

清誥贈中憲大夫翰林院修撰詹事府少詹事晉贈光祿大夫

工部尚書崇祀鄉賢明刑部河南清吏司主事易民公

清誥贈太恭人晉贈一品太夫人陶太夫人

清貽贈光祿大夫吏部左侍郎附貢生蔗園公

清貽贈一品太夫人席太夫人

清旌表孝子崇祀忠孝祠例授文林郎咸安宮教習候選知縣

廩貢生松期公

清例贈孺人陶太孺人

清例封孺人張太孺人

清國學生中山公

清例贈孺人朱太孺人之

靈曰根深則蒂自固源遠而流益長駿烈彌可永思錫而不

匱燕謀用昭垂裕久以逾新善旣開先擴深仁於

四世業能昌後資良佐於

同心矩矱貽奕葉之光贊襄懋重闡之福禮隆合食志切瞻

依振禮樂之家聲椒馨勿替衍

宣憲之世澤越蔭无疆伉儷同堂祀宜咸秩祖孫相望

神其式憑懷樽簋之微忱庶幾降鑒羞蘋蘩之薄味惟冀來

歆茲當春秋仲式陳時薦尚

饗

重建宣公祠啟

吳江宗孫 聖脈 薪傳

蓋聞尊祖敬宗禮重饗親之義報功崇德典垂立廟之規故俊
見愾聞人子惕春露秋霜之感而盡哀致慤合宗勉敦倫睦族
之風情久重乎觀瞻事宜急爲振舉維我祖宣公暨我祖憲公
唐室褒封父子晉桓蒲之貴一牀簪笏祖孫昭忠蓋之勲爲長
洲開科之一人繼胡國本支於百世嘉猷讜論著在青編偉節
清風宏於海國固爲社稷之干城國崇俎豆洵是人倫之師表
世薦丞嘗此前代著有專祠而聖朝特昭盛典梁學憲之考核
允合升馨韓中丞之表揚聿宜崇祀令宰潔牲牲以致享博士
陳馨管以登歌奕葉生光曾孫有慶顧忠宣之坊表久樹葑谿

而祠宇之椽題半埋荒徑頽然片石誰爲龔斲惟勤渺矣悲風
孰是騰丹丕煥此孝子所以淒其舉族爲之如擗者也茲幸胄
起文孫名標國士高曾之世德久而彌新仁孝之永思錫而無
匱爰宜戮力是將以圖式廓斯宇凡我宗子精白一心共奮肯
堂肯構之謀先捐爲粟爲絲之力如在郡邑在嘉湖遠近咸聞
風而起任爾多少爾後先子姓悉將伯而呼無空言於築舍矢
不日而落成佇見琢石剪茨采楚材而作棟流青飛黛摘蜀錦
以爲翬聿觀厥成無忘爾祖遠嬗相國之伍公廟風繞胥臺近
接文正之范家園聲齊樂園則衍宣憲之世澤樾蔭無疆振禮
樂之家聲椒馨勿替康熙十九年仲冬

答松陵履成族兄建宗祠書

允肅 孝儀

出門十一載親族聚首之歡邈不可得昔年遊處如在夢中耳
蒙示建祠之舉此真水源木本仁孝無窮之思而先君亦得叨
附可勝感勒弟效捉筆捏寫之役又烏敢以不文辭哉來文極
爲諄摯弟當仰遵此意稍加裁酌潤色并拙筆書就奉上斷以
冬盡來春爲期不敢悞事亦不必太急耳草覆

址里

歸氏堡

在九澗鄉去鎮海門十五里明嘉靖三十四年歸雷奉敕所築以防倭寇高如縣城東西有門南有水門同邑陳逅爲記今堡址猶存俗稱歸家城府志縣志按堡磚於康熙十八年縣奉部文拆建福山城有文卷可稽

歸家市

在白茆北去縣東七十里

府志

在縣東北五十里近臨白茆歸氏所創傍橫浦而成市向爲樂土居民數百餘家飛甍鱗次今橫浦爲白茆湖沙灌塞舟

楫不通市之生聚亦少減矣

縣志

歸家莊

在大東門外七十里何市東川山西莊舊有屋數十間令廝僕歸元歸芝等看守久未服役其子孫不可考矣 按莊建仁壽菴康熙元年八月歸裔興起先有疏

歸家浜

在昭文縣界中路枝河

縣志

按曾志歸家浜有二一在七十

九區四十七九都十四畝界一在六十七區四十四都二十七畝界陳志又云歸家洪或卽此

歸家蕩

在縣東十八里大虹橋內俗名歸家十八蕩

歸家城橋

在常熟縣界城卽歸家堡建橋於水門外因昔日兵旅往來

故也

縣志

按嘉靖三十三年三月成歸素琴雷建名歸氏新

橋子百泉謨有碑記萬曆四十四年孫蓮峯學周重修下有石版刻原建橋名至今猶存俗稱冰窖橋蓋誤沿舊名也

道光二十四年夏月復修

歸市仁里橋

嘉靖十五年九月成歸雷建有碑記

歸市鍾善橋

嘉靖十九年三月成歸虞泉諫建有碑記

嘉靖十九年三月成歸虞泉諫建有碑記

歸邑十詒

嘉靖十九年三月成歸虞泉諫建有碑記

嘉靖十九年三月成歸虞泉諫建有碑記

嘉靖十九年三月成歸虞泉諫建有碑記

嘉靖十九年三月成歸虞泉諫建有碑記

嘉靖十九年三月成歸虞泉諫建有碑記

歸邑十詒

嘉靖十九年三月成歸虞泉諫建有碑記

直隸蘇州府常熟縣給帖

直隸蘇州府常熟縣爲復舊制以福地方以安人心事據本縣二十八畝糧里老歸椿等連名呈稱切照本區地方外傍白茆次河內通橫浦諸港人民不下及千餘家錢糧不下上萬餘石舊有真武古廟一所在於橫浦塘界民有水旱疾疫之災咸輒往禱禱無不靈自是居民阜康閭里樂庶災不爲害人不妄禳相傳幾百餘年雖非頒行祀典亦爲有功神廟邇因海潮暴漲以衝其基歲久風雨以頽其宇廟用廢亡人懷憂懼况接歲遭水旱頻仍疾疫相繼閭里日索民心益危蓋以易惑難曉之情值此昔泰今否之變卽今所見固有家立像戶設祠而未已者

失此不圖其崇淫祠殫財用將來必有大患椿思欲鼎新故址
議復古制神祇廟貌悉仿舊規斗粟一夫咸出自己伏望俯察
民情行令體勘有無應否便益等因據此參恐別故行據申明
亭老人姚相呈稱依奉會同二十八都糧里老排年曹祐等從
公勘得橫浦塘界舊有真武廟貌民間疾疫在彼求禱必應逮
至弘治八年七月十八日因遭風雨大作海潮漲漫坍塌墻壁
廟宇久失修葺到今民間疾疫不均思欲修復歸椿願出己財
人力興工修葺緣恐干礙不敢擅爲呈乞體勘前廟遺跡年遠
卽非淫祠是的將取各役不扶甘結呈繳到縣擬合就行爲此
除外帖仰本告卽將本廟徑行自備夫力興工修葺毋得指此

沿街科索小民自取究問如有此等許令被害赴告提問畢日
繳來附照毋得違錯不便須至帖者

右帖下原呈糧里歸椿等收照

嘉靖十四年二月

廿四

日吏陳鑰

帖 花押

已蒙給帖執照恐年遠遺失刻石置之本廟永爲遵守施行

郡人吳肅刻

歸氏新橋記

謨 百泉

橋基舊東去二百餘步名曰冰窖橋前人因有冰窖橋聯橋下故名之今橋毀基易且冰窖橋泯沒已久則實喪而名不可襲矣改命之曰新橋蓋取鼎革之義也余家於常熟縣之白茆歸家市自嘉靖二十五年我父始有九淵之地時海潮爲患河湮水涸荆棘布野而居民寡酬與數里無三四舉火之家有之亦不備矣屢與蛇畜爲伍云耳土荒無所供賦雖官司亦歲病械繫之煩也吾父爲之力開濬以辨經理察遠近以創民居寬財惠以肆招徠冒風雨霜露之苦躬耕以爲民先於茲村聚連繹草莽轉爲禾稼黎民安飲食庶幾於樂土而觀望爲之一新焉

於是因橋成以記其新之始表茲土不爲舊且不敢自忽吾父之功也橋之作吾父自甲寅王正月始事迄戊辰月而告成高凡十有五尺他制稱是嗚呼新矣名橋固喜樂茲土方新之意也若夫因其新而培植之使之益富且庶焉非余所能知於其新而剝削之使其新者敗焉亦非余之所能知也一惟有望於後人耳吾父諱雷字漢聲別號素琴余諱謨太學生也皇明嘉靖三十三年三月吉日立

義莊志

義莊志原目第八

京兆歸氏世譜四

目錄

題報昭文縣歸氏義莊疏議

王深

常熟歸氏昭先碑銘

呂星垣

昭文歸氏義莊記

阮清元

歸氏義田記

吳錫麒

題歸氏義莊記

王芭孫

昭文歸氏義莊記書後

陳文述

昭文歸氏義田銘

陳裴之

書歸氏義莊記後

孫原湘

書歸氏義莊記冊後

鮑景偉

義莊規條後記

劉斐銜

歸氏義莊詩

趙人翼

又

趙懷玉

又

曾定球

又

熊載陞

又

孫星銓

又

王嘉祿

目又

鶴修

又

董元

又

趙秉清

又

懋儀

義莊楹聯

咨報昭文縣歸氏捐置祭產書田文案

附下
同

昭文歸氏祭田書田記

李兆洛

祭田規條後記

銜

書田規條後記

銜

義莊志原目第八

京兆歸氏世譜四

題報昭文縣歸氏義莊疏議

兵部侍郎兼都察院右副都御史總理糧儲提督軍務巡撫江甯等處地方臣章煦謹題爲捐田贍族循例請題事據蘇州布政使慶保詳稱據蘇州府詳據昭文縣詳稱准卑縣儒學牒據前署金山縣訓導候補訓導歸銜歸令喬歸令符歸令憲歸令瑜歸令璋歸令璿呈稱切銜等故父監生例贈修職佐郎歸景淨永懷一體矢志同仁恒念家承奕葉世衍蕃支資衣食以衛生藉詩書以浹性或饑雁告哀糞殮有缺或修羊不具句讀無傳欲設莊田以全教養擗節並畜聚兼營心力與年華交

瘁賚志垂成遽焉謝世遺言至切觸處驚心銜故母席氏暨生
母陳氏共佐贊襄備誌历年辛苦復思承繼深悲無識愚蒙越
經數載泣語倍詳銜與亡弟常邑庠生肇行弟衡等憶先人創
始之勤懷孫子紹成之願已定者分條析縷守之不敢怠荒未
竟者累寸積銖繼之惟虞隕穫迄今稽田畝計有餘糧核子姓
人非浮食謹將祖遺及勉力添置共田壹千肆拾貳畝陸分伍
釐玖毫計契價銀壹萬叁千壹佰伍拾兩叁錢捌分捌釐又捐
設莊房壹所共柒厦叁拾楹計契價銀伍佰肆拾兩歲收田租
賦稅之外凡族中例應待給者計口均支禮應待舉者準情相
予且聞敬宗原尊祖標立祭田庶守遠代之丞烝嘗送死重養生

附存族墓俾瘞逾時之棺觀此皆誼切周親自行經理何敢妄
希天寵煩瀆憲聰惟既設莊產應定章程誠恐日久月淹司事
者致混淆之漸貪多務得不肖者啓侵侮之萌伏查蘇郡范氏
陶氏義莊并常邑楊岱本邑周鳳池等各義莊俱經造冊呈報
地方官核實詳題厯荷皇仁優獎勵飭行給帖勒石永遠遵守今
銜父倡義於生前銜等恪承於身後現已置產齊全爲敢縷開
田數載列莊規并將義田祭田莊房坐落區圖科則佃租細冊
具結陳叩恭懇俯賜牒縣通詳飭行遵守則單寒族姓均沐鴻
慈久遠雲礽長邀覆庇等情并呈田畝細冊莊規事實前來並
據紳士陶廷墀言朝楫劉晉燾邵廣融吳象矚趙同宣呈稱切

惟箕裘克紹端由式穀之勤劬綸綍邀榮始顯義方之食報奉
遺言以成遺緒儉德昭恭事周急以篤周親仁人溥利遵查本
邑歸景泐天性肫誠襟懷高雅敦詩說禮大庭素重儒林處瘠
推肥居室更窺獨行遇阽危而引手憫茲顛蹶之祈值荒歉而
指困惠彼飢寒之困慕義無窮每事不參虛假睦宗爲重平生
倍切圖維思設義田以資困乏用以禮而食以時漸期寬裕準
乎今而酌乎古備極經營前程方峻中道云殂銜等默體幽衷
恪遵明訓歷廿五年繼長增高始臻成數偕同懷弟哀多益寬
克副素期陸續捐置義田壹千零貳畝肆分零玖毫祭田貳拾
畝零伍釐惜字施衣藥棺田拾伍畝肆分族墓叁畝叁分義塚

壹畝伍分又捐置義莊房壹所共契價銀壹萬叁千陸伯玖拾
兩叁錢捌分捌釐歲獲所收廣賙貧族凡吉凶賓嘉不使廢於
菲鰥寡孤獨奚至告而窮穉不可不養設塾以教之殯必有所
歸設墓以安之惟歸景泐力田食德孝弟傳家購前賢之梓板
殘缺重鑄晦者明而精華倍燦披先壠於榛叢繁蕪頓闢廢者
舉而俎豆常新解衣推食閭里沾仁掩骼埋胔枯朽被澤旣鄉
評無間信懿行可坊伊子銜等紹繼前徽黽皇斯業視親疎爲
一體冀綿遠於千秋而又孝無改行善則歸親凡銜等籌定之
芳規實景泐貽謀之蔭庇伏查會典內開凡有孝行節義爲族
黨所信服者由地方官申報風憲官核實奏聞禮部分別題請

給銀建坊等因今歸銜等仰承故父歸景伊遺訓捐田贍族義舉可風實與會典定例相符爲敢環籲呈請伏乞核查例案牒縣通詳以彰善行以勵風化等情據經飭查去後今據里鄰華孟三蘇萊歸舜齡親族趙同岐席兆奎楊景墉歸朝煦歸道登歸拱並歸銜等各具切結前來據此該昭文縣訓導江萬泉看得候補訓導歸銜等故父歸景伊性篤彝倫情周宗屬天靳假年山虧覆簣伊子歸銜等仰父兮之租蓄蠶沒加勤凜母氏之箴規提撕倍警籌生聚於廿年割膏腴之十頃以贍繁族以竟遺言旣養而復教義塾卽繼義田自近而及遠義墓更推義塚由是捨藥施棺備體老病死之堪憐由是興文助試深期詩書

禮之成效他如通財以拯匱振廩以救時悉本深仁羣推高義
伊子銜等象賢勿墜式穀堪承非徒爲善以貽親名實由勉力
以彰善行合將據呈義莊田畝細冊莊規事實備造各冊結加
具印結備文牒送等因准此該昭文縣知縣李黼平核看得候
補訓導歸銜等故父監生歸景伊家承百年之舊德誼聯一本
之分枝倡立義田作義方之規則昭茲遺訓冀遺緒之纘承伊
子銜等肯構肩仔捐田願遂皆有常膳則四世五世六世綴之
以食而弗殊使之就傅則一年三年九年造之以道而自得慕
陳江洲之合族仰止流芳倣范文正之良規景行懿範他如舟
泛荒年之米粟甦困非比尋常集珍名世之棗梨欽佩總關至

性爲之前而美彰爲之後而盛傳嘉德無違足興仁讓樂施忘
倦可起寬敦茲准儒學牒送冊結前來相應加結轉詳等情到
府據此該蘇州府知府五泰核看得昭文縣已故監生歸景泚
心存善行誼篤宗支捐腴產以濟困窮周乎族黨設義塾而施
教育導以詩書竭畢世之經營垂後人之典則其子銜等纘厥
箕裘之遺緒難其荆萸之同心益田畝則歲獲千箱肯構堂則
莊開廣廈由近支而及遠族咸得繼乎饗殮延宿學以啓童蒙
深期造諸子姓有田則祭俾世守其丞嘗附隴而埋免致傷於
暴露他如增義塚而安魂魄投寒衣以禦冰霜藥餌常施藉療
瀕危之疾櫬棺頻給用昭錫類之仁凡徵嘉德之無違悉本貽

謀之素善宜邀旌表以闡芳徽覆核無異相應將送到冊結轉
詳等情到司據此該蘇州布政使慶保核看得昭文縣故監生
歸景泚孝友爲懷彝倫是篤念宗枝之繁衍足食爲先置義產
而未成賚志以歿伊子候補訓導歸銜率同弟男子姪歸銜等
仰承父志克紹貽謀通緩急以周親建莊田而贍族凡本宗之
鰥寡孤獨不同無告之民而子姓之教養昏喪咸喜有資可藉
又復情殷利濟樂善好施寒者授衣病者饋藥立義塚而魂有
所歸捨棺具而尸無拋露此等憐貧恤苦之心悉是廣教興仁
之則義風足式懿行堪嘉茲據該府縣學取造冊結撥案具詳
前來覆查會典內開凡有孝行節義爲族黨所信服者由地方

官申報核實奏聞禮部分別題請給銀建坊等因今歸景伊捐田贍族核與元和縣戈元鑰常熟縣楊岱昭文縣周鳳池等題請旌表例案相符理合詳候核題等情據此該臣看得昭文縣已故監生歸景伊孝友克敦彝倫是敘懷惟利濟施與本無間乎親疎芘及本根教養更欲周夫宗黨迺賫志未成中道以歿伊子候補訓導歸銜等仰承遺訓繼美前徽擴千餘畝之膏腴贍大小宗之老幼舉凡鰥寡孤獨靡不攸資抑使喪葬冠昏悉以取給廣教施於子弟近則塾而遠則修廩登進於名途試有資而捷有費情既厚於周親惠更推於鄉里卹災黎而助賑減糶爭先憫暴露以捨棺埋斮恐後施衣散藥拯貧病之顛危惜

字刊文勸士林之敬誦洵屬德推所自實爲善必歸親堪爲風世之模允合旌門之典茲據蘇州布政使慶保循例詳請具題建坊旌表前來臣覆核無異除冊結送部查核外臣謹具題奏伏乞

皇上睿鑒敕部議覆施行謹題請旨嘉慶十五年六月二十五日題奉旨該部議奏欽此

禮部爲捐田贍族循例請題事該臣等議得定例凡士民人等養恤孤貧捐田贍族助賑荒歉收瘞屍骨實於地方有裨益者由該督撫造具事實清冊送部其捐銀至千兩以上者給與樂善好施字樣由地方官給銀三十兩聽本家自行建坊等語今

江蘇昭文縣故監生歸景伊捐置田畝及助賑荒歉收瘞屍骨等項共值銀一萬三千六百九十餘兩臣部查核銀數已逾定例應如該撫所請准其建坊旌表卽給與樂善好施字樣恭候命下臣部遵奉施行臣等未敢擅便謹題請旨嘉慶十五年十月二十一日題本月二十三日奉旨依議欽此

嘉慶十六年辛未仲夏立石同里蘇載敬錄

常熟歸氏昭先碑銘

武進

呂星垣

叔訥

常熟歸氏始遷祖榮四其十五世孫景泚立義莊景泚子銜肇
行衡等成其志旣具題泐碑銜等懼先德弗昭無聽彝式訓乃
謹具狀請製昭先碑考春秋左氏內傳魯昭公母夫人敬歸齊
歸胡出也胡子國汝陰楚昭王滅胡以胡子豹歸吳申始有歸
氏迄唐宣公大顯載唐史及晉陵公以山南節度使封王爵天
寶同光間皆世貴咸淳中宣公十九世孫湖洲判官罕仁居太
倉其別子佚名居常熟白茆其孫榮四生恭兩世皆佚年配葬
所恭以後年配葬皆列碑陰恭生正正生仁前明監生通五經
見趙用賢集仁生祚冲厚綜博辭散官祚子椿謝散官歸獨濬

白茆浦立閘闢田數千畝成邑聚稱歸市歸有光誌墓椿次子
霆當嘉靖甲寅間邑無城海倭躡境霆偕兄雷詣邑任築西南
城又立營堡九泖門又建南關城罄貲巨萬倭卻退又捐粟千
石補禴災活流民千餘有司請賓邑校力辭退據聞見攷訂史
乘體驗經濟實用爲弟電營遷蘇州角直盛資汝誌墓霆兩子
次訓附監生童年喪母盡哀後白友冤獄卻重金質平臺狀義
振一時徐枻誌墓學思訓之子鄉飲賓少孤伯惑構作家難克
盡姪道伯死卻應得產子其嗣爲親擇葬精其學學思生六子
季德明事母孝終身慕憂兄某罹訟七日夜鬚髮白撫孤姪若
子始遷居城東門錢陸燦傳之德明有亢宗子起先崇禎十六

年進士廷對卽以用人銳聽言寬責難補刑部主事父病急歸
旋居憂易代遂病鍵戶著毛詩通解四書大旨老莊略參同契
注釋尤精易晚成易聞陳式作傳祀鄉賢入國朝附貢生允哲
其長子也教成三弟弟允肅魁天下允哲生旌表孝子復佺廩
貢以教習候選縣令少奇貧教授養親父嚴順承辭三弟獨償
父官逋罄婦奩田慰母養寡妹嫁兩女甥順親指葬從祖父用
章養叔母薄恤堂弟某某後父卒以食麪遂廢麪故旌祀忠孝
祠復佺四子銳爲季監生早孤事母謹其兄篤宗族任其教養
有二子次卽景伊監生幼居母喪目墜血長事父盡其養父歿
哀慕沒齒兄弟友愛不析產兄景灝歿教養其孤創立歸氏義

莊規條臨終以田六頃命其婦子今其子銜等終竟厥志詳義
莊碑洪亮吉誌墓自蒸以下配皆世族皆有婦德母範椿妻曹
以奩贈百萬委椿爲善景泚妻席相夫勗子成義莊均得附書
銘曰

胡裔歸昌公王於唐晉陵海虞肇遷爰居論譔先美溯七百載
洋洋如在以篤行葦行葦測測推疇子食聰聽舊德庶幾貽翼
念昔先人或屈或伸魚瑗律身展閱軼倫造於鄉邦耕市井疆
屹爲保障輯其流亡於鑠哉歸氏施及於孫子維孝悌服此維
祖考毅只昭先泐貞珉泚有治命諄泚子克景行果貽親令名

昭文歸氏義莊記

儀徵

阮元

伯元

將以敦世善民成教化厚風俗莫重於宗法戴記謂敬宗故收族極之於財用足而百志成實惟宗法有以致之然古者大功以上同財則小功以下其親漸殺亦不能不使之各私所有而况去古既遠田不公給業無世守其勢益渙於是有一姓之所繫一人之所生而派別未分遂致貧富異等豐嗇不齊然則行宗法於今日義莊之設其亟矣昭文歸氏世爲吳中著姓明嘉靖中有諱椿者始居白茆濱江沮洳乃相水遠近疏渠置牖久之悉爲良田廬舍市肆稠如邑居鄉人利賴至於今稱之九世孫諱景伊者國子生居約而厚施慨然思置義莊以贍其族嘗

手擬規條其時產不足千畝不果行將終以規條授席孺人曰
吾子孫有賢者其克竟吾志乎後二十五年歲庚午長子訓導
君銜偕其弟衡始割東西鄉田一千畝有奇爲義田而以東鄉
田二十畝爲五世以上祖塋祭田置文昌巷屋七厦三十楹爲
義莊設宗祠於中義塾附之蓋一如席孺人所受規條云於是
兩君復推廣其事置興福山田三畝爲族墓地蔣梅棚田一畝
爲義冢地唐墅田十五畝爲惜字施衣藥棺槨費皆一時與義
莊並舉吳中士大夫建義莊者凡數家惟范氏最著自有宋至
今七八百年而守之弗替蓋范氏義莊經文正忠宣清憲三上
於朝而事始克成故區畫尤爲盡善今歸氏之爲義莊規條先

定越數十年乃踵而成之再世而事就與范氏比則先人能以
敬宗收族勗其子孫而後人又能不私其財推其田宅以終先
志均可謂賢矣大府旣給帖勒石以俾世守且核令公事實上
之禮部稽例旌其孝義蓋國家崇尚宗法所以風示眾庶者於
是乎在抑嘗讀太僕集世美堂後記稱述其王孺人祭祀賓客
婚姻贈遺無所失姊妹之無依者悉來歸四方學者館餼莫不
得所今觀席孺人教成其子卒無負規條之授是又歸氏之賢
婦宜可稱述者也

歸氏義田記

錢唐

吳錫麒 穀人

嘉慶庚午歲昭文候補訓導歸銜及其弟衡具呈請捐義田壹千畝有奇莊壹所以贍族人有司據牘上聞予旌如例於是將勒石以垂永久而屬余記之予謂自宗法廢而族燕族食之典不行有同一族而漠不相關者矣義田者蓋推宗法之遺而寓相賙相救之意者也其先有行之者漢之樊重荀淑晉之應詹皆能析已產以恤貧宗特無義田之名有之自范文正公始吾嘗游吳門登天平山拜公祠下所見良田沃壤阡陌相接歲時享祀子孫昭穆咸在多至數千百人食其利者至於今不絕乃世之相慕效者始未嘗不勇於有爲而或一傳而歇或再傳而

歆者無他有義之名無義之實而不能爲子孫計長久也歸氏
自贈君景伊樂善好施敦睦宗族嘗以支屬繁衍沾漑弗周思
仿行范氏之法未竟而卒臨終出所定莊規授其婦曰俟吾子
之長成也而畀之能遂吾志則死且無憾後其子銜等亦能遵
母之所奉以教之者務自撙節又二十餘年及今乃克葺事沃
土之毛蘆獲恒足於是乎歸之族無餒人矣然正非食之之畢
乃事也慮其蒙養之勿正也則有塾以教之慮其婚嫁之失時
也則有財以助之其寒也則爲之衣其疾也則爲之藥其死也
則爲之殮與埋蓋至於養生送死無憾而後私之可以盡一族
之誼卽公之可以勸天下之心其成父志也大矣其繼先賢也

勤矣夫河潤九里而潢潦之臻涸可立待唯有本者澤自長無
本者流易竭也若贈君能祖考之是念而務鳩厥宗其慕義無
有既極而子又能成父之志以永其義於無窮是敦本也是操
乎長久之道也迄於今族屬感之鄉里羨之楔綽榮之吾知千
百載後過琴川之地或從農夫野老游尙有嘖嘖然稱歸氏義
田者不可與范氏爭盛也哉

題歸氏義莊記

長洲

王芑孫

念豐

世之爲義莊者類取本於范氏然或不數傳輒廢無如范氏之
久者范有賢子孫繼繼承承綿延七八百年余嘗考其廢興蓋
亦屢絕而屢紹非宋之舊矣天下事非始之難終之實難今虞
山歸氏義莊之設善矣若欲要其終以與文正忠宣爲比將在
後人詩云無念爾祖聿修厥德聿者述也非修德則無以爲述
也爲書諸後以勸其來者云嘉慶丙子夏四月

昭文歸氏義莊記書後

順道堂文集

錢唐

陳文述

雲伯

自古風俗之美本於孝弟孝弟之實見於敬宗收族此吳中范氏義莊所以見褒於歷世而爲賢士大夫所取法也昭文國學生歸君景淨敦孝弟之行有志設義田以贍族未竟而卒臨終以所定規條付其室席孺人曰待子長而授之或以竟吾志今長子候補訓導銜及其弟衡節縮歲入積二十五年既捐田一千畝歲以所入贍族之矜寡貧乏者復置屋爲義莊宗祠義塾旁及墓地義塚無不備兼以餘力爲他善舉大府據以上達得予旌如例錢唐吳祭酒儀徵阮中丞武進呂廣文咸爲文以記之復乞余與王惕甫國博志其略余於戊辰己巳之交攝常熟

篆者九月昭文與常熟同城而治其俗大約尙華美而厭敦樸
惟邵氏蘇氏及歸氏子弟能守其家法今訓導昆弟秉母訓以
竟先人未竟之志積歲月以成之則此一舉也見國學君之義
焉見席孺人之賢焉見訓導昆弟之孝焉後之人守之勿失加
以擴充則媲美范氏不難而國博之文則以范氏義莊綿延至
今八百餘載中亦屢有絕續而拳拳於後人繼志之美斯誠老
成碩德之論訓導昆弟其善教子弟毋讀無益之書毋作無益
之文毋習無益之行毋交無益之友崇敦樸而去華美則後必
有以道德文章昌其閭者媲美范氏又不僅在義莊也嘉慶丙

子五月五日

昭文歸氏義田銘

錢唐

陳裴之

五楷

裴之自巳巳年從婁東蕭子山夫子遊夫子爲道歸君受谷之
賢受谷名銜故國子生諱景伊之長子亦曾受經於夫子者也
方國子君之將終也以手定義莊規條授其室席孺人曰吾以
產薄其事不果行俟後人之賢者以竟吾志受谷旣長迺與其
弟衡出納搏節積二十五載始得割田一千畝有奇爲義田以
贍族人更興莊塾祠墓諸善舉蓋一秉席孺人所授之規條而
推廣行之者也攷之禮同財祇大功以上而大功以下聽之先
王非不欲民之一歸於厚也特其親漸殺其誼漸疎欲使斗粟
尺帛與均有無勢必有所不能故不得已而僅僅以三世限之

耳且人生處兄弟之際譬猶居室僕妾爲雀鼠妻子爲風雨略不防郵壁陷楹淪顏氏所爲長太息也而如歸氏者國子君旣賈志以終孺人獨能承遺命以勗子弟受谷兄弟又咸能秉母之訓以竟先志可謂賢已抑考歸氏之先世明嘉靖中有諱椿者始白茆地濱江海之壩迺相水遠近通溪置牖徧漑瘠鹵爲良田鄉人至今稱之椿妻曹復以奩贈百萬贊椿爲善由此徵之國子君之克敦孝友孺人之勸勉以貞其所以紹揚先澤者非無自也今者江南大吏爲上其事於朝詔許其請而又有以旌寵之一時名卿大夫咸爲詩文以紀其事裴之學於蕭夫子熟聞歸氏一門之穆行旣欣受各足爲吾黨光而又思爲其來

者勗也因復爲之銘曰

維昔范公高義是敦始建義莊遺澤長存亦粵歸氏世惠清芬
敬承先志漑及弟昆廣居翬翼厚隰龍麟東眷西眷阮富阮貧
青箱授學白粲指困饋藥助裨輟饌通緡烝嘗肇祀魚蘖屑嫻
董揚篤行陳崇義門是爲國瑞宜邀曠恩綽楔銘惠志奕勒仁
海虞山秀尙湖水醇繼繩罔替用詔後人

書歸氏義莊記後

天真閣文集

同里

孫原湘

長真

天下之人情未有無所維繫而卽安也而其道必自近者始禮敬宗故收族收族故宗廟嚴宗廟嚴故重社稷重社稷故愛百姓愛百姓故刑罰申刑罰申故庶民安庶民安故財用足財用足故百志成百志成然後樂先王之重宗法也如此蓋君之於民遠矣立宗子以維繫一族則勢近而情易通故古者世祿之家必有田里以贍其族誠使士大夫各贍其族而一國之中失業者鮮矣後世宗法旣不可復人心無所維繫目不覩族燕族食之禮高曾以下已如路人如是則風俗安得淳哉欲效宗法於今日惟義莊庶幾近之學博歸君銜與其弟衡稟母夫人

之教承贈君景沂未竟之志割田一千晦有竒爲贍族田田有
莊莊有規宗祠在中義塾在東教養婚嫁以迄衣藥棺槨冢墓
咸具可謂盛舉矣錢塘吳穀人儀徵阮芸臺兩先生並爲文記
之學博屬予題後嗚呼予於歸氏何敢贊一辭哉昔先大夫患
族繁而貧慨然思效范莊之舉篋中僅有千金先以畀族人權
子母歲給貧者旣宦遊燕晉遂爲族人所乾沒嘗以爲憾今予
因循病廢不能竊升斗之祿以繼承先志使先大夫常抱隱憾
於九原清夜自思不可以爲人子觀學博兄弟所爲益滋予愧
也嘉慶丁丑夏五月跋

書歸氏義莊記冊後

同里

鮑

偉

署客

攷周官以九兩繫民五日宗以族九曰藪以富釋之者曰藪非藪澤卽東漢以財救人曰厨之義也曰宗曰藪其卽親親而仁民之次序乎世日遠風俗日變其居鄉而能以親仁愛物爲心者莫著乎宋范文正之創義莊後之聞風而起者有矣今舅氏父母以節儉之風敦睦之誼創之而受穀兄成之其立法簡而明其用意懇摯而周詳旣已上之朝而旌顯如例矣澥內鉅公長德作爲文詞所以揚權勗勉之者咸備如偉則何敢有言然論者或曰義莊之創不難難在繼守之者以其言勵後人則善矣抑有進焉偉嘗遇同郡項君其久長者也述其游幕時某尙

書將立義莊延之總理項許諾已而出條例戒約纖屑佗友所
議也項迺固辭去曰凡舉事之始必寬簡乃可久行今以苛議
多創爲例密於網矣烏乎行其事卒無成然則創豈易事乎又
嘗見居顯宦擁厚貲歸而親綜家計或微諷以義莊之善輒搖
首置之且以其言爲大愚然則是舉之創詎云易易哉且夫親
仁之心自根流支德日積則報日隆此如人物各得乎天地之
心生生不息無時或間則以子孫而體祖宗之心怵然恐其心
之不如古方將擴充而崇大之以心傳心永永勿懈而守文何
難焉雖然傳之旣久枝葉滋蕃或轉議其始之不專厚嫡系而
徒博廣旃之名且謂族人有待給義莊而甘爲游食者若以此

咎創始之人而戒人之勿爲此者吾亦嘗聞之矣此則在後之人固守其親仁愛物之心而屏其說焉可也然則繼守之難爲此論者其亦有裨乎舅氏行六偉幼時見則呼六舅舅必溫顏俛接性不飲酒而諧謔百出合坐無不驩笑又值盛寒人襲重裘獨衣棉袂衣或訝之輒笑謝曰人生筋骨須鍊乃健我自安此不嫌寒也迄今幾及五十年矣忽忽念之未敢忘旣書冊後並追往事而謹記之嘉慶二十二年歲次丁丑九月二十六日

義莊規條後記

銜 訥甫

宋范文正公創立義莊於吳郡近代華亭張氏常熟楊氏皆法之以教以養篤宗衍支莫善於此訂列規條以禁買賣以稽出入以處置擴充法良慮周必呈請具題以計久大既勒石紀事卽清核田畝租額鐫其碑陰更摹碑文碑陰呈詳附案以樹永建之基誠尊祖敬宗收族之至計也我先考耕書公志此久矣先考受分田止三百畝畢生竭精力搏節意仍授子各三百畝外抽檢膏腴田六百畝謀立義莊年五十正勤勾稽精力耗竭日手義莊規條一冊遽得時症捐館吾母席太孺人慟遺志未果矢必成之銜及弟肇行弟衡幼聞庭訓皆謹識未敢忘迨肇

行侍母疾致咯血病卒太孺人哭之慟因指衡告衡曰父喪衡
尚幼自入塾後卽能約筆行以田必及千例始合題兄弟矢成
親志今豈忘之衡攝事金山訓導迎養太孺人官齋命益切恨
不卽成之衡等益悚懼銜金山回方偕衡擘畫義莊適太孺人
疾篤臨終三日前手一銀鈴繫腕曰鈴者丁寧也此父母遺志
必果衡等益痛心伏思吾父吾母存歿無已之訓皆注此卽使
無六百畝之義莊產各將分產繼志身自耕讀以求樹立亦不
足報罔極恩勤矧旣授六頃再得四頃例卽合題又所授田統
皆二親畢生撙節所置夫是以兄弟汲汲不敢稍怠今庚午二
月同弟衡擇遺產東西鄉田一千畝有奇爲吾邑本族贍給用

其東鄉田二十畝奇爲五世祖以上先塋祭產又唐墅田十五畝奇爲惜字施衣藥棺用皆太孺人節用置產今并附莊其族墓三畝三分義冢一畝五分爲生母陳太孺人置產其莊房一所爲銜衡及姪令憲等公置今捐爲義莊其規條一冊一皆先考核范氏張氏楊氏所訂定一皆照勒碑陰摹呈附卷若夫體先考先妣之志世守弗替以擴而光大之若稽田若作室家其望於繼序之昌熾也夫嘉慶十五年九月

歸氏義莊詩

陽湖趙翼雲崧

虞山門第推京兆盛舉聲傳遍邇遐絕勝清河居九世竟同楚
國給千家重泉贍族心堪慰大厦周貧願尙奢誰似西堂兄弟
好佇看褒獎荷黃麻

又

武進趙懷玉味辛

宗族有遠近始繇一本傳己苟得温飽忍使傷顛連鬻業美蕭
復散縑聞王沿卓哉范楚國繼此創義田至今食其利遙遙七
百年太平笏森萬地沃歲取千滄桑雖遞變畝畝終無遷歸氏
好兄弟邦國爭稱賢一守范公法宅與田同捐養送皆裕如長
教亦待焉既令父志遂復將母德宣薄俗於以厲厚澤因而綿

坊邀九重獎碑有眾口鐫歌詠遍海內吾慙筆如椽

又

固始

曾定球

香崖

吾聞見義必爲丈夫猶未能况乃得之閨閫之奇英常熟有歸
門鄉黨著賢聲德配有席氏賦性淑且貞義舉並堪垂千古傳
刊墓誌碑與銘有財不願但爲子孫衣食計常思上報祖宗愛
養孫子情緣欲置義莊善與族人同經營未得就抱志將以終
席氏佐夫子毅然任厥躬年華忽已摧志願無終窮慈訓遺諸
子必欲竟其功爾等若不承先繼父志縱以三牲五鼎營葬心
不死諸子皆純孝聞之心忡忡并力割膏腴千畝輸族中事成
卜佳壤光輝耀江東詳悉列碑誌徵詩遍名公此事豈惟表宅

里載之邑乘獻丹宮老夫平日未能詩欣然但覺慕高風反復
觀之心景仰抽毫不計拙與工

又

江油

熊載陞

松關

昔范文正公置田利宗族迄今千餘年富家何碌碌卓哉歸氏
賢兄弟資和穆孝友敦其先睦姻而任恤殷勤庇本根經營連
水陸良田千萬區昭文與常熟或以修遠塋或以理家墓或以
濟苦窮或以養孤獨善必想錄微奸仍須黜伏盛事期久長一
一書板牘足令當代賢歌詠徵佩服宦院將廿年及茲新耳目
見義能勇爲斯言可三復試問古今人允矣許追逐

又

崑山孫

銓

少迂

悠悠世祚靡不有初水源木本數世同居族親娛樂厥有二疏
諒哉公藝忍字百餘

瞻族之謀世稱范氏貧富豐凶同仁一視常稔之田本支永恃
代易世更芘於葛藟

猗與司訓晉陵舊裔昆季後先文章名世篤念親親食租衣稅
遺訓紹承慨然兼濟

爰建義莊厥心用臧母氏矢志擘畫周詳銀鈴繫腕相誠毋忘
膏腴千畝以饋貧糧

請於大吏具題作記勒之貞珉俾無失墜義塚墓田生慈好義
以次捐輸克成先志

劉般恤族任隗存孤毛玠濟困盧邁護雛美哉盛舉今古豈殊
光前裕後視此良圖

又

長洲王嘉祿 并叔

昔聞范文正收族敦本支養田贍宗屬累世傳良規施親凜古
訓此誼今人衰仕宦至卿相得意各自私有無不相假緩急當
告誰誰非本體親忍令飢寒爲虞山有歸氏積善興門楣讀書
紹家學力穡安清時慨然念三族上與文正追良田割千畝宅
心何仁慈荆枝有同氣堂構多貽基養正設蒙塾奉先建崇祠
病有醫藥費歿有殮葬費請旌耀閭里敬告良有司燕詒垂遠
念泐石成新碑願言慎終始恒久相維持高風繼曩哲陳詩勸

來茲

訥甫大兄建義莊成長歌奉呈並示淵若四弟

鶴修于吉

義莊制范公公輔錢君記後來彭與陶踵起師此意所輯條例
問不無或同異要皆一本思盡仁輔以義然當貴顯時舉之或
易易吾宗本吳人宣憲分苗裔八百餘年來箕裘罔或墜及今
族漸微祖德敢蔑棄禮儀或不講膠庠黜就試衣食無以謀喪
祭難自致不乏雋異材失學在童穉亦有能食貧拮据少積貯
禮義奚暇治功名莫可冀舉目觀吾宗大受貧乏累苟無調恤
之何以免憔悴日夜存此懷未敢措一議言出訕笑隨或以不
急置况余力不振自顧傷窮匱私心常懸懸爲兄述其事兄乃

蹶然起謂是吾父志義田粗有緒萬勿虧一簣母命更嚴申銀
鈴尙繫臂爲述易簣言咨嗟橫涕泗云昔汝父存辛勤歷年歲
積此田數頃將以餽族餒何圖志未成一旦哲人萎余作未亡
人經營力已憊汝其善紹承瞑目九原慰聞之心骨悲負荷懼
弗繼籌畫殫心力朝夕偕子季卽此數日間謹當達大吏此時
余乍聞抃舞不成寐未幾詔命頒帑金出內賜綽楔旌門閭咸
仰恩綸賁伯父善貽謀兄益宏錫類一家同此心數年意勿貳
長者能倡率少者能佐理仲弟痛訪齋賁志早徂逝不克覩厥
成規目共編次余敢拜下風一言揚純懿無根木奚榮有源水
乃沛而况宗族間一體本非二生之自一人養之極百世爲祖

養子孫咸使得所自無師翼以教無母乳以孳無妻助之婚無
兒給之侍寒則爲之衣飢則爲之食疾則爲之藥歿則爲之瘞
孤寡遠老獨體卹無弗遂養生兼送死籌謀無弗備綱舉目畢
張章程綜鉅細非以沽近名盡其理之至非以望後報率其情
之摯從此舉吾宗永永有託庇昔聞漢二疏推俸以分惠晏子
仁三族萬古仰高誼要皆分君祿赫赫膺高位兄無二者兼絕
不生退避自此負析薪堂構應克嗣願兄持此心卽以佐聖治
推廣一家仁長貽萬民利無窮子惠思先自近者始
又

陽湖女史

董元

蘭谷

一家溫飽止一時里黨調恤無終期何况九族共一本顛連忍

勿相扶持卓哉范公創義舉行葦千年仰膏雨邇時繼起推虞
山一舉宗支鮮孤苦若考區畫將垂成有志未逮歸蓉城萱闈
彌留復無語惟以贍族相丁寧雙丁膝下皆英俊廿年恪守嚴
慈訓蠲卻膏腴十頃田不教泉下懷遺恨常儲甘毳飫膏鮪慈
期婚嫁均分財更謀設塾教子弟似惜蘭樹勤栽培大吏方將
一封上佇聽恩綸盛褒獎千秋楔綽標通衢孝義名長在天壤
又

同里孝女

趙秉清

若韞

漢有樊重與荀淑皆能析產贍其族范文正公置義田惠恤宗
支米萬斛嘉名彰彰垂簡編悠悠千載誰能續吾虞爲善溯弘
農天旣報之名與祿聿有歸氏賢季昆孝義之心自天篤椿庭

樂善而好施行本醇良性和睦亦思仿行范氏法矢志未逮登
仙籙未幾兩君皆成立緬懷父志添棖觸務自搏節數十年勉
力行之無愧惡捐金爲置千畝田傍廬更闢卅間屋養生送死
有常道男婚女嫁多分粟子弟人人要讀書延師特爲開家塾
合族濟濟數百人飢寒無苦咸豐足大吏聞之牘上聞煌煌綽
楔恩優渥克終父志孝旣全能調族眾義惟卓大孝大義著鄉
閭不使弘農擅其獨善人爲德豈有因爲期其報無乃俗然而
積善有餘慶種其德者種其福

又

女史懋儀 佩珊

吾伯敦至性誦書慕古人務農數十載儉勤甘食貧飢寒僅能

免苦念一本親莫如范公法至公無私存手創膏腴田用推九
族仁斯志尙未遂積勞殞其身祖遺三百畝還以授子孫親釐
義莊制臨終訓諄諄阿母誌不忘泣血沾衣巾同室有賢佐其
殫筋力勤丸熊課夜讀篝燈繼朝暉鳳雛日以長文采何彬彬
田園日以廣禾苗亦欣欣皆賴二母勞流澤裕後昆金山設絳
帳子舍承親懽三牲何足重苜蓿旨且鮮彌留授銀鈴父志慎
勿諛鈴聲入兒耳如聞父母言昆季誓同志旦暮矢拳拳義田
千畝拓盛事奕葉傳婦能繼夫志子亦成親賢孝友睦姍備冠
昏喪祭全留以示雲礽永培心上田

歸氏義莊爲受谷祖姑丈承志創建錢唐蔡生甫先生手書楹
帖以贈毀於兵燹者八年今仰之表叔經營竣事屬重書之時
同治戊辰冬日也邑後學楊泗孫拜手謹題

慕古哲休風啟後承先荆棣共揚芬郁
繼前人遺志惇宗睦族葛藟長芘本根

咨報昭文縣歸氏捐置祭產書田文案

江蘇巡撫部院陳鑾為捐置祭產書田等事據蘇州布政使怡
良詳稱案奉蘇撫部院陳批昭文縣通詳原任安徽涇縣訓導
歸銜等續捐祭產書田壹千壹百捌畝零以供祭掃以資膏火
援照常熟楊景仁屈延鎮等祭產書田咨部給帖成案呈請專
咨給帖世守等情由奉批仰蘇州布政司核明給帖具報仍卽
叙詳請咨毋遲並候督學部院批示繳冊結存等因到司奉此并
據該縣前詳前來案查前於嘉慶十五年開該訓導歸銜等仰
承故父歸景泮遺志捐置義田一千餘畝建造莊房一所當據
該府縣取造冊結由司詳請題准旌表并頒發印帖執守在案

今歸銜等襄成前志續捐祭產書田壹千壹百捌畝零以供祭
埽并爲子孫讀書膏火之資洵屬孝義可嘉據縣取其田數規
條冊結詳請咨部給帖等情核與常熟楊景仁屈廷鎮等捐置
祭產書田咨部給帖成案相符所議規條亦屬妥協奉批前因
業經由司將應給印帖發縣轉給勒石世守聲明另行專案加
看詳咨立案等情報明各憲并批飭蘇州府加看詳辦去後茲
據該府詳據昭文縣金咸具詳據原任安徽涇縣訓導歸銜監
生歸銜監生歸令喬前署江蘇鹽城縣教諭試用訓導歸令符
甲午科舉人歸令瑜文童歸令璿歸令璣歸令望歸兆吉歸兆
豐歸兆登歸兆良歸兆昌歸兆簪歸兆臯歸兆棠歸兆恩歸兆

涵歸兆金歸兆原歸鍾泰呈稱竊職謹承故父遺命捐置贍族
義田一千畝零業蒙各前憲詳題奉旨旌表在案復念敬宗以
尊祖爲先力田與讀書並重展祖宗之邱壟每懷庇蔭松楸萃
子弟於黨庠俾勉程材植榦顧祭埽無資或以世遠年湮而崇
封莫保束脩不給或以丁繁支衍而恒業漸荒倘不設立公產
以籌經費則烝嘗旣替而墓田失守尤虞被占於豪強絃誦少
衰而城闕貽譏或恐致流於游惰殊非聖世教孝之經崇學之
意也因復仰承遺命捐置祭產百畝有奇書田千畝有奇凡春
秋祭埽修葺及子弟入塾應試咸各釐訂規條酌定銀兩俾後
人永遠遵守竊恐奉行旣久弊竇潛滋或經理不善有力者隱

計并吞或貧乏難存不肖者妄生覬覦倘非叩求立案給帖何以杜奸盜而垂世守伏查常熟縣前刑部主事楊景仁內閣申書屈廷鎮等均於義田外捐置祭產書田先後詳請咨部立案由藩憲給帖飭守合援成例謹將捐置祭產書田田畝細冊規條記略一并具呈籲懇俯賜通詳各憲照案咨部給帖遵守以杜盜賣侵蝕等情并呈規條田畝細數並具切結前來據此該署昭文縣知縣金咸看得原任安徽涇縣訓導歸銜等矢志承先既篤敬宗高義貽謀啟後復籌保世良規慎守護於墓田霜露肅馨香之薦勤甄陶於里塾晦明勵絃誦之功潔奉盛而念祖既祭埽之有資勉負笈以從師復束脩之有賴而且慮風雨

之漂搖葺修必謹屆春秋之課試獎助無遺業紹忠宣凜無忘
於先訓芬揚孝義期罔墜夫家聲凡茲垂裕之謀胥屬務本之
舉成規既備遵守允宜復查歸銜等前承故父歸景泖遺志捐
田一千餘畝以贍貧族洵屬義行可嘉業於嘉慶十五年詳奉
題准旌表在案今又續捐祀產書田以供祭埽以資膏火援案
呈請詳咨給帖以垂永久前來理合照造清冊循例加結詳祈
轉請詳咨給帖遵守等情到府據此該署蘇州府知府周岱齡
核看得昭文縣原任安徽涇縣訓導歸銜等先志恪承已篤解
推之誼後昆垂裕更籌世守之規春禱秋嘗潔粢盛於勿替焚
膏繼晷期絃誦以無衰保崇封而蔭庇松楸勤恒業而材成楨

榦甄陶是賴獎助無遺祭埽攸資葺修必謹洵屬貽謀之善舉
允爲保世之良規查歸銜等前承故父遺志捐田贍族業奉照
例題請准予旌表在案茲復捐置祭產書田援案呈縣詳請專
咨給帖世守核與例案相符合將送到冊結循例加看詳祈鑒
核詳咨給帖勒石世守等情到司據此該本司核看得昭文縣
原任安徽涇縣訓導歸銜等性成孝友惠族昭繼志之休籌固
封塋飲水重思源之義乃復心維葵本念切瓜綿益置膏腴俾
祖父之蒸嘗弗替廣開阡陌冀雲初之絃誦無衰祭掃葺修永
焉是賴災膏負笈奕葉攸資并且得雋設獎勵之條砥行明激
揚之義成規綱舉定例目張洵屬始終務本允宜飭令永遵茲

據該府核明加看同冊結轉詳前來核與常熟楊景仁屈廷鎮等捐置祭產書田咨部成案相符自應照案咨部立案俾全孝義而昭世守相應將送到冊結核明加看詳候鑒核分咨禮部立案以杜盜賣而垂永久等情到本部院據此除咨禮部外相應咨達爲此合咨貴部請煩查照施行

計咨送冊二本 結一套

咨禮部

道光拾柒年玖月

貳拾

日

禮部爲知照事儀制司案呈據舉人歸令瑜遣抱屬呈稱係江蘇昭文縣人前因原任安徽涇縣訓導歸銜及舉人等捐置義

田一千餘畝建造莊房一所題請旌表在案今復捐祭產書田壹千壹百捌畝零以供祭埽並爲子孫讀書膏火之資於道光十七年經原籍巡撫造冊咨部在案迄今未奉覆文爲此取具同鄉京官印結粘呈投遞伏乞恩准立案並知照原籍等因前來查江蘇原任訓導歸銜等捐置祭產書田業據該撫造具冊結送部存案今該舉人呈請將所捐田畝立案並知照原籍之處核與該撫送到原冊相符除據呈咨明戶部准其立案外相應知照江蘇巡撫可也

咨戶部
江蘇巡撫

道光拾捌年捌月

日
九月十一日到院

昭文歸氏祭田書田記

養一齋文集

武進

李兆洛

養一

昭文歸先生苞仁心啟遠謨自割上產用贍同姓意猶少之其子銜等能述厥志恢而大焉其田之供祀事者以百計資本支子弟讀書者以千計謂之書田申狀大吏計垂久永而謁予曰願有記予應之曰古者有宗法而無宗田田之興其宗之衰乎天子有天下諸侯有國而不以田處其子孫者不敢私也自孤卿大夫及於上士莫不食采而不以田處其子孫者不敢專也而九族之間雍雍閑閑文足以相際恩足以相固其本支縱歷百世之久而無泮渙潰壞之憂者則尊卑相統親疎有章而宗法之維繫者遠也降及於後世變不常或士夫之門而宗廟不

守背其邱壟其英雋子弟或貧薄無資不得極意問學以成其材而鰥寡孤獨廢疾困無依者尤所弗數嗚呼是田之所賴以濟者豈小哉禮曰自仁率親自義率祖又曰尊祖故敬宗敬宗故收族親隨時而盡而宗有不遷故仁將竭而義宜之則仁義且交注流貫於無窮凡我同族一或不安其所者於收之義猶不克稱也其或恃族業豪富因兆纒構訟而昌其禍害或因祠富而恣橫或爭祠產而鬪牆則近世鉅宗多狃此習於尊敬之本義乖謬甚矣歸氏父子世濟其美以宏厥志而大啓其緒厘厘以保享宗祀教育子弟以成名業之是念非古大賢之所以用心推禮典之經而善爲之者歟孟子嘗云人人親其親長其

長而天下平此物此志乎義田之舉創於范氏文正公後人踵其法并推廣其義例而行之要當尊其美杜其弊則庶幾盡善焉予讀范氏義莊條例於嫁娶喪葬皆有津助而於子孫讀書之事不及焉疑其遺漏夫子孫雖愚經書不可不讀古訓也人知務本則守身保家保其宗廟皆在是矣而可不知所務哉歸氏此舉實可以補文正公之闕而爲後世法洵可謂尊其美杜其弊幾於盡善者也故吾嘉其舉而樂爲書之

祭田規條後記

銜

吾族先世墓祠舊有祭田在前代爲族中貧乏者鬻去五世祖考比部公贖墓旁背號田貳拾餘畝以奉宗祠秋祭而春祀未及焉我先考孝義公偕伯考寄閒公首先倡捐貞號田拾肆畝益以族眾所捐祭餘所積共田伍拾餘畝爲春祀費於是宗祠之祀春秋不廢而先世祖塋十餘代並在東鄉本市及嚴洞涇終因費無所出祭埽久虛先考方籌立祭田而中年謝世未竟厥志銜等仰體先意捐置背號田貳拾餘畝爲五世祖以上諸先塋祭產歸入義莊經理業已呈部存案至高祖考光祿公會祖考孝子公墓在西鄉葫蘆墩每歲春秋同會祖以下大四五

房輪司祭埽後以四房力絀不能承辦遂於癸巳冬合大五兩房同捐洞涇橋祭田貳拾畝兩房輪年掌管自是祖宗邱墓既幸馨香勿替井椀孔安矣顧念祖考中山公暨先考墓在本市楊家角生妣陳太孺人墓在北門長田岸銜等兄弟兆域並祔是焉兩處俱無祭產今雖祀事無缺培護維謹後嗣子孫或以費力稍匱生推諉之端或以年代遞遙啓忽忘之漸保無有值埽視而未遑奉烝嘗而或怠者乎爰撥田壹百畝有奇同書田一併在部呈案勒石以供祭埽租有餘息則貯爲墳塋丙舍修理之需庶幾松楸永保俎豆常新無貽怨恫於九原歟於虘我先考早失怙恃嗣守先業謹篤宗支於祠墓之歲修時祭恪其

將事罔懈益虔所以吾宗先墓自元明以來歷四百餘年不致
侵占踐損於他族者蓋維持保護之力爲不可忘也我後子孫
世守墓田宜何如竭誠盡敬以妥先人靈爽而無忘水源木本
之思也哉道光十有七年六月

書田規條後記

銜

吾宗自忠宣公父子顯名唐代嗣是以來耕讀傳家科名林立太僕公推古文之宗宮詹公魁南宮之選其登賢書捷禮部者後先接踵近因族衍支分散處四方觀摩無自兼之生計日艱因貧廢學者蓋有年矣先考耕書公憂之思仿吳郡范莊之法捐田贍族并設義塾於旁具脩脯備館餼俾族中無力讀書者咸就傳肄業凡自童試至鄉會試並有依助甚盛意也銜等業已遵行題報在案顧先考以爲莊塾之設以全教養所以培植族屬子弟期其讀書成立而我後子孫或以研田不給因循廢讀則子衿佻達貽譏鄉黨尤吾所深懼也今擬置讀書田若干

畝將來呈案勒石爲我子孫膏火之資三房孫曾照規支領至收租完賦支放款目亦惟三房孫曾輪年掌管凡子弟自童年入塾而後歲給銀若干赴試者助費若干獲雋者助費若干孝悌節烈得請旌獎者助費若干規條所無不得分文支取其有登仕版膺外任者酌量廉俸厚薄捐銀置產期於永遠遵行世傳勿替於虜先考所以爲子孫計者若是其詳且備豈惟以取科第拾青紫遂畢顯揚事哉蓋讀書所以明理理明而後識力定性情醇出則通經致用備任使於國家處則閉戶潛修端儀型於鄉里卽或資稟中下謹身寡過亦不失爲恂恂自好之士何莫非讀書之效有以陶冶而成就之也則書田之設誠不可

緩矣銜等謹承遺命復陸續積置腴產得壹千畝有奇釐定規條具呈當事給帖世守以杜日久侵盜之萌我後子孫有志讀書自蒙養以至能文務延宿學有望鄉先生主席於家每月會文兩課該費並取給此田毋徇名而失實毋勤始而怠終父兄之啓迪必勤子弟之率循必謹力學砥行互相勸勉以漸至於克自樹立庶幾無負先人之舊德數百年忠孝家聲亦藉以不墜乎若夫念創始之匪易懼繼紹之良難或量助銀兩或捐置田產妥爲經理擴而充之是所望於後之善承先志者也道光十有七年季夏